



सानसेयारि **“बड'सा”** खरीरालाइयाव  
स्माजयारि जिउजो लोब्बा थानाय रायथाय, खन्थाय,  
स्ल', स्ल'बाथा आरो दावबायारि थावनि, पार्क  
बाइदिनि स्मायव लिन्नाय लिन्दिबां हैथाय ठर/  
सानसेयारि **“बड'सा”** खरीरालाइया सेबखानाबै  
फोस्वगोन/  
बड'सायाव लिन्दिन्नायनि हुडा खालाम,  
**“बड'सा”** खरी नोथां, जो बयबो आंगो खालाम/  
**सानसेयारि बड'सा मावखुलि**  
माइबं नोगोर, जोहोलाव दैमालु लामा  
कक्राइर, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 27 October, 2025 Kokrajhar, BTC, Assam ★ Vol.-35, Issue No.211 ★ R.N.I. Regd.No.40994/91, Assam Govt. Regd.No.IPRD.40/2006/3, Rs.8/-

## राम मन्दिरखौ लानानै बाश्चा दान्थेनो नागिरा उकिलखौ 6 लाख जुरिमाना फोनांदों



**गोदान दिल्ली, 26 अक्टूबर:** राम मन्दिरखौ लानानै गोजौसिन बिजिरसालिया होनाय रायनि हँथायै जुजिनानै सासे उकिलआ अलखदआव गोलैदों। दिल्लीनि उकिल मेहमुद प्रसारआ गोजौसिन बिजिरसालिआ 2019 आव होनाय अयध्या रायखौ बोखानानै लाफिनांगौनि आर'ज खालामदोंमोन। बे आर'ज गावनायनि उनावनो बिजिरसालिया गोखौं बेरेखा (□ 6 बिलाइआव)

## कलागुरु बिष्णु राभा फरायसालिमायाव दिथागिरि जथुम खुंदों

**उदालगुरि, 26 अक्टूबर:** उदालगुरि जिल्लानि अरंआव थानाय कलागुरु बिष्णु राभा फरायसालियामाव 25 अक्टूबरआव मोनसे दिथागिरि जथुम खुं'नाय जायो। फरायसालिमानि सावराय न'ब्लाडाव बान्जायनाय बे दिथागिरि जथुमआव फरायसालिमानि गोरायुं ड (□ 6 बिलाइआव)

## एसिया बुक अफ रेकर्ड आरो इण्डिया बुक अफ रेकर्डआव मिसिं गावखुंथाइ परिषदआ मुं थिसन्दों



**धेमाजि, 26 अक्टूबर:** सरकारि फसंथान महैर गगामुखआव थानाय मिसिं गावखुंथाइ परिषदआ गोबां अन्जिमानि हेयार टेकनिसियानि फोरंथाइ होनायै एसिया बुक अफ रेकर्ड आरो इण्डिया बुक अफ रेकर्डआव जाफुंसारनायनि फोरमानलाई मोनो हादों। शनिबार मोनाबिलियाव मोनसे (□ 6 बिलाइआव)

## जयदेब ब्रह्म आरो किरिति कान्त तामुली गोसोखां फुटबल

## बीरशा एफसिआ बिमुं देरहाबाय

**उदालगुरि, 26 अक्टूबर :** उदालगुरि जिल्ला टंला थानानि सिडाव थानाय पुरन्दीया आन्सलिक गेलेमु आफादनि बान्जायनायाव जयदेब ब्रह्म आरो किरिति कान्त तामुली गोसोखां प्राइजमानि नैथि बोसोरारि फुटबल बादायलायनायनि दिनै खुं'नाय फाइनाल गेलेनायाव खखाबस्ति बीरशा एफसिआ 1-0 गलनि फारागथियाव नारिखलमका अमरज्यति एफसिखौ फेजेनानै जयदेब ब्रह्म गोसोखां ट्रिपिजों लोगोसे प्राइजमानि मोनो हायो। गुबुनफारसे गेलेनायाव गोखौंथारे गोसो बोनो हानाय गेलेनानै दिन्थिनाय बीरशा कलाबनि जन



अमरज्यति एफसिआ किरिति कान्त तामुली गोसोखां ट्रिपिजों लोगोसे प्राइजमानि मोनो हायो। गुबुनफारसे गेलेनायाव गोखौंथारे गोसो बोनो हानाय गेलेनानै दिन्थिनाय बीरशा कलाबनि जन

फोथाराव खुं'जानाय गेलेनायखौ बरुन बर', राजा बर' आरो बिनन्द राभामोनहा सामलायनायनि अनगायै (□ 6 बिलाइआव)

## श्रीमन्त शंकदेब संघ भेरागाव जिल्ला दालाइनि बोसोनगिरि माधव राभाआ रुंसारि जाबाय

**उदालगुरि, 26 अक्टूबर:** उदालगुरि जिल्ला भेरागाव महकु मा सदरनि गोजाम भेरागावनि थागिरि धोरिम सिबियारि, मुंदांखा हारिमु दाफुंगिरि माधव राभाआ मैया मोनाबिलि 6:00 रिगायाव 69 (□ 6 बिलाइआव)

फोथाराव खुं'जानाय गेलेनायखौ बरुन बर', राजा बर' आरो बिनन्द राभामोनहा सामलायनायनि अनगायै (□ 6 बिलाइआव)



**नाजिरा, 26 अक्टूबर:** रबिबाराव शिबसागड़ आरो जरहाट जिल्लानि मोनै गेदेर सोरथाथयारि रहा महैर दै सम्फद बिफाननि सिडव थानाय डेन्सि, दैखाना आरो नान्दां दैमा खुनाय बिथांखि आरो मरियनियाव जाँजि हादरारि राजा लामानिफ्राय जाँजिमुकसिम जाँजि दैमा माथावरि लामाखौ फाख्का खालामनाय बिथांखिखौ बेखेवनायनि जाहोनाव आसाम सरकारनि आन्सलिक जौगाखानायनि बिथिडव मोनसे गोदान मख'थाव बिथिं



**कक्राइर, 26 अक्टूबर:** कक्राइर दालाइसा मारवारि सन्मेलन एवा मारवारि युब मन्स नख'रनिफ्राय खौसेयै गोथार सोरांनि फोर्बो'खौ गाजा-गोमजानि गेजेरजों खुं'नाय जायो। हाबाफारियाव समाजनि बैसो गोरा हौवा आरो आइजोफोरनो आर'नाइ आरो जोमग्रा सिजों मान बाउनानै दुंबुदयै बरायनाय जायो। हाबाफारिखौ इच्चा आग्रवालआ गनेश सिबिनयनि गेजेरजों बेखेवनायै होयो। बेनि उनाव फु जा मन्दबआव

हारिमुवारि आरो हारिमु मोनाबिलिनि गेजेरजों हाबाफारिखौ सामलायलाडे। सोंगाब सोंलायनाय, हाउजि आरो गुबुन गुबुन रंजालु गेलेमुजों

गासैबो बैसोनि सुबुंफोरा बे फोर्बो'आव गोसो गुदुडै बाहागो लादों आरो फोर्बो'नि रंजानायखौ लानो बयबो खाबु मोन्दों। फुस्टि गोनां जाग्रा जामुनि स्वादखौ

लानानै समाजनि मोनफ्रोमबो थाखोनि सुबुंफोरा लोगोयारि रंजानानै गोजोन्नय लादों आरो गोरोबलायनानै खाबुखौ गोसो (□ 6 बिलाइआव)

## बरमायाव ड॰ नृपेन्द्र नाथ शर्मानि हामलायथि बिजाब 'सब्यसची' खौ बेखेवदों

**मुसलपुर, 26 अक्टूबर:** दिनै बक्स जिल्लानि बरमा क लेजनि अडिट 'रियाम हलआव सोलेंथाइ, हारिमुवारि आरो थुनलाइयारि बिथिनिफ्राय 300 निबो बांसिन सुबुंफोरा मोनसे जर'खा हाबाफारिआव नुजाथिदों। बजालि फरायसालिमानि आजिरा मोन्नाय लेखइ गोरायुं ड॰ नृपेन्द्र नाथ शर्मानि 80थि जोनोम सान फालिनानै बिथांनि मोजां मोनग्रा, हास्थायगिरि आरो सोलेंसाफोरजों लिरजानाय 'सब्यसची' बिजाबखौ बेखेवनाय मोनसे हाबाफारिया



जानानै थाडे। बे हाबाफारिनि जागायनायाव महरगिरि मनरन्जन भगवतीनि गोसो

बोनो हानाय कोरसजों जायो। बेनि उनाव ड॰ नृपेन्द्र नाथ (□ 6 बिलाइआव)

## मर्नि ग्ल'रि सरुपेता सेलेन्स टी-20 क्रिकेट बादायलायनायाव नलबारिब्लु बार्डसआ सेम्पियन

**भबानिपुर, 26 अक्टूबर:** सरुपेता क्रिकेट कलाबनि बान्जायनायाव सरुपेतानि बिएइसबि फरायसालिमानि गेवलां गेलेग्रा फोथाराव सोलिबाय थानाय मर्नि ग्ल'रि सरुपेता सेलेन्स टी-20, 2025 इन्टार क्लाब क्रिकेट



## काजिरङयाव आसाम साहित्य सभाया इयुन जोलै मेल खुंदों

**गुवाहाटी, 26 अक्टूबर:** असमिया राव, थुनलाइ आरो हारिमुनि संरैखाथि, रैखाथि आरो जौगाखानायखौ दावगाहोलांनंगौनि बिथिडव जेब्लायबो बिबान लाबोनाय आसाम साहित्य सभाआ बे खेबआव मोनसे जारिमिनआरि बिफाव लानो आगान सुरदों। असमिया राव-थुनलाइ-

हारिमुनि संरैखाथिनि सार्थआव बाउसोमग्रा आसाम साहित्य सभाआ बांसिन गोसो होनानै आरो गोहो गोरायै जाखांहोनांगौनि थांखिजों 28 अक्टूबरआव 10:00 रिगानिफ्राय गलाघाट जिल्लानि काजिरङा माहारियारि पार्कनि कहरयाव थानाय पर्मानन्द (□ 6 बिलाइआव)



दाबिनानै राजा लामायाव जनगस्तिनि मोनफ्रोमबो दोलो, सोमावसारनो साखा-फारा आफाद फसंथानफोरनो खौसेयै जादों। दुलाराइ आसाम बे सुबुं गौमायाव बाहागो आदिबासि फरायसा आफादनि लानायनि बाश्चा। बान्जायनायाव खुं'नो बे सुबुं आदिबासिफोरनि गुबै दाबिआ गौमाआव आदिबासि (□ 6 बिलाइआव)

## मुंदांखा लिरगिरि-सान्तालि साहित्य सभानि लेडाइ आफादगिरि पाल्तन मार्डीआ जिउ गोमाबाय

**काजलगाव, 26 अक्टूबर:** सान्तालि साहित्य सभानि लेडाइ आफादगिरि, मुंदांखा लिरगिरि आरो रुनिखाता गोजौ फरायसालिनि आजिरा मोन्नाय फोरोंगिरि, समाज सिबियारि पाल्तन मार्डी (75) आ थांनाय हरआव गावनि न'आवनो (□ 6 बिलाइआव)



## सुजुगिरिनि खोलोम

## जाथाय–बिजाथायनि थासारि

थॉनाय बिटिसि बिसायख'थिनि फोसावर्दिनाय जोबथा समनि सानसे सिगां आसामनि लाइमोनफोरनि हार्टश्रब देंखोगिरि जुबिन गार्गनि सिंगपुरआव जिउ गोमाहेनाय जाथाया बिसायख'थिनि फोसावर्दिनायाव गोहोम गोर्लैनाय नुनो मोन्नाय जादोंमोन। बेनि जाउनाव फोसावर्दिनाया खिं-स्' जादोंमोन बिथॉनि जिउ गोमानायनि दुखु-दाहाजों। बे दुखु गोनां खौराडा सौरगिर्दि गोसारनायनि उन्निक्रायनो राइज्योजों लोगोसे बड'लेन्डआवबो दुखुनि साइख्तुम गोर्लैफैदोंमोन। हाटश्रब देंखोगिरिनि हर्खाब जिउ गोमानायनि खौरं गोसारनायनि उनावनो राइज्योनि लाइमोन हान्जाल' नड, गासैबो थाखौनि साफ्रोमबो सुबुंफोरानो बिथॉनि जिउ गोमानायव सानस'नो हायै दुखु मोन्नाय राइज्योनाडै-नो नुनो मोन्नाय जादोंमोन। बिथाडदि बे रोखोम मिबर्थिस्ताबै जिउ गोमागोन बेखौं सुबुंफोरा माबाब्लाबो सानफेराखेमोन। बिथॉनि हर्खाब जिउ गोमानाया राइज्योनि साफ्रोमबो सुबुंफोरनि थाखाव सिमां बादि जादोंमोन। बे सान्नायानो उन्नि समआव राइज्योनाडे बिथॉनि जिउ गोमानाय जाथायनि हेंथायै दायनिगिरिफोरखौं हमनानै उनाव बिसायख'थिनि फिथायाबो फोसाव जादों। देरहानाय दोलोया सरकार दानायनि लाहार-फाहार खालामनायनि उन्निक्राय मोब्लिबआरि खौरां बिजों आरो समाजआरि बिजोंफोराव बड'लेन्डनि दाब-दाब जायगाफोराव मोनफा-मोन्नै हिंसा-खुरियानि जाथाय जैरै-बड'फानि मुसुखा देख्लानाय, बर'नि आगु मन्थिनि गोसोखांथि न' खहा खालामनाय आरो बावैसो सिगां बड'लेन्डनि रजथावनियाव हाबफेग्रा जोहोलाव दैमालु गाहाइ लामानि कारिगावआव थानाय बर'नि हायिमुबारि नेशनिजों लुफुनाय गाहाइ गेटनि बेखेवगिरिफोरनि मुं प्स्तेट एरखुनाय बादि जाथाय जालांनाय नुनो मोन्नाय जादों। बेफोर हिंसायनाय जाथायफोरखौं लानानै हारिनि गेजेरावनो सोखारिनाय, बोसोनोथि होनाय समाजआरि बिजोंफोरेनि गेजेजों मिबर्थिनो मोन्नाय जादों। गोजोन ओन्सोलाव हिंसायनाय जाथायनि सायाव बाइजोनिक्राय बेनि हेंथायै फंसेबो बाश्ना बुंनाय एबा सावरगयनाय नोजोराव गोर्लैयाब्लाबो हारिनि गेजेरावबो सासे-सानै आरो समाजआरि बिजोंफोरेनि गेजेरजों सावरगयनाय नुनो मोन्नाय जादों। फिसा-फिसा जाथायफोरानो उन्नि समआव गिदिर जालांनायनि लामा थायो। बेफोर बादि खहा गोनां जाथायफोर जाहाथे इयुनाव सोमजिबावनो रहा मोना बेनि थाखाय बड'लेन्डनि राइजो-राजाफोरानो खौसेयै सांप्रांथिजों गसंथेनांगोन, गुबुनफोरखौं लामा नायनानै जॉनि ओन्सोलिनि गोजोन थासारिखौं हमथानानै लाखिनो हानाया जाथावना नड।

गेजोन ओन्सोल बड'लेन्डआव फिसा-फिसा मोनसे-मोन्नै जाथायनि अनगायै गिदिर जाथाय माखासे बोसोर सोमजियैनि उनाव हार्टश्रब देंखोगिरि थैनांनावनि दायनिगिरि सानैखौ बड'लेन्डनि बाक्सा जिल्लानि मुसलपुर निकासिआव थानाय जिल्ला जोबथेसालिआव दोनफैनयखौं लानानै सोमजिनाय जाथाया बड'लेन्डल' नड, गासै राइज्योखौंनो सोमागग्लुंलादों। बाक्सानि बे जाथायाव दायनिगिरिखौं हेंथा होनाय राइजो-राजाफोरजों लोगोसे रैखाथि होनाय पुलिस हान्जायाबो हाथा-हामाआव जोखोम जानांदोमोन। गुलि गावगारनो गोनां जालायनाय बे जाथाया बड'लेन्डआव गोलाव समनि उनाव सोमजिनाय गिदिर जाथाय होन्नानै सानजादों। बाक्सानि बे जाथायनि उनाव गोजोन ओन्सोलाव फिन आरोबाव कक्राझार–सालाकातिनि गेजेराव थानाय रेल लामायाव उत्तराजि हान्जानि आइडिडि बेरफु होनानै सरकारि धोन खहा खालामनाय जालांदों। बेनि उनाव आरोबाव बमा होग्रा उत्तराजि हान्जानि सोद्रोमाफोर हाजोरनि हाग्राबारियाव थाखोमानायखौं हमनो अपारेसन खालामनायाव सासे उत्तराजि थैलायनाय जाथाया गोजोन ओन्सोलाव मा फोरमायथि होदों बेयो सान्नो गोनां। लान्थिन्नैनो बाक्सा आरो कक्राझारआव गिदिर जाथाय सोमजिनायजों लोगोसे दासान्दि समाजआरि बिजों आरो मोब्लिबआरि खौरां बिजोंफोराव ट्राइबेल जानो नागिरनायफोरनि सोगोमनायाबो गोखों जालांनो हमनायखौं नुनो मोन्नाय जादों।❏

| दिनैनि फान्जामुधि                                                                                                                                                                                                                                                                                                                                                                                                                                                                                                                           |  |  |  |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|--|--|
| <b>राशि बाइदियै मुंनि गिबि हांखो</b>                                                                                                                                                                                                                                                                                                                                                                                                                                                                                                        |  |  |  |
| <b>मेष<span> </span>: </b> अ ल <b> </b> <b>बुष<span> </span>: </b> ऊ ब (उ ए इ) <b> </b> <b>मिथुन<span> </span>: </b> क छ (ङ घ) <b> </b> <b>कर्कट<span> </span>: </b> ड ह <b> </b> <b>सिंह<span> </span>: </b> म ट <b> </b> <b>कन्या<span> </span>: </b> प ट (ण ष) <b> </b> <b>तुला<span> </span>: </b> त र <b> </b> <b>वृश्चिक<span> </span>: </b> ब न <b> </b> <b>धनु<span> </span>: </b> ध भ (ढ़ फ) <b> </b> <b>मकर<span> </span>: </b> ख ज <b> </b> <b>कुम्भ<span> </span>: </b> ग श (स) <b> </b> <b>मीन<span> </span>: </b> द च (ख ज झ) |  |  |  |
| <b>मेघ:</b> गोसोआव माखौबा लानानै गिखांनाय मोन्नो हागौ। गोसोखौं लोरबां लानो नाडा।                                                                                                                                                                                                                                                                                                                                                                                                                                                            |  |  |  |
| <b>बृष:</b> नख र'आव माबाफोर जेंना नुजानो हागौ। गोसोखौं शान्ति गैयै मोनगोन।                                                                                                                                                                                                                                                                                                                                                                                                                                                                  |  |  |  |
| <b>मिथुन:</b> मोजां रेंग'थिनि जानो हानायनि मान बाउजानो मोनगोन। गोजोन्नाय मोनगोन।                                                                                                                                                                                                                                                                                                                                                                                                                                                            |  |  |  |
| <b>कर्कट:</b> जायखि जेखियानो मावा जौगानायखौं मोन्नो हागोन। फारफ्रोमर्थिबो मोजां। गोजोन मोनगोन।                                                                                                                                                                                                                                                                                                                                                                                                                                              |  |  |  |
| <b>सिंह:</b> माबा मोनसे खामानि मावनायनि सुबिधा मोन्नो हागोन। गोजोन मोनगोन। मोजां सान।                                                                                                                                                                                                                                                                                                                                                                                                                                                       |  |  |  |
| <b>कन्या:</b> जेखौंखि मावा शान्ति मोनगोन। फारफ्रोमर्थिबो मोजां। जौगानाय फैगोन।                                                                                                                                                                                                                                                                                                                                                                                                                                                              |  |  |  |
| <b>तुला:</b> बबेबा गोजान जायगायाव दावबायहैनो मोन्नो हागौ। गोसोखौं गोजोन मोनगोन।                                                                                                                                                                                                                                                                                                                                                                                                                                                             |  |  |  |
| <b>वृश्चिक:</b> हरखाबै माबाफोर मुवा-बेसाद मोन्नो हागौ। गोजोन मोनगोन। मोजां सान।                                                                                                                                                                                                                                                                                                                                                                                                                                                             |  |  |  |
| <b>धनु:</b> सरकारि साखि मावनायाव जौगानायखौं मोन्नो हागोन। गोजोन मोनगोन।                                                                                                                                                                                                                                                                                                                                                                                                                                                                     |  |  |  |
| <b>मकर:</b> जेखौनो-बेखौनो रागा जौनाय जालाबायनो हागौ। गोसोखौं हमथानानै थानाया गाहाम।                                                                                                                                                                                                                                                                                                                                                                                                                                                         |  |  |  |
| <b>कुम्भ:</b> बे राशनि थाखाय शुभ सान। मोजां हाबा मावनो हागोन। सान्नाया जाफुगोन।                                                                                                                                                                                                                                                                                                                                                                                                                                                             |  |  |  |
| <b>मीन:</b> मिजिं खालामनाय आसाया जाफुंसारगोन। गोसोखौं गोजोन मोनगोन।                                                                                                                                                                                                                                                                                                                                                                                                                                                                         |  |  |  |

# रेदोमखांनाय फाइलि

### दोंसे आद्रा थानाय सल’.....

#### –जैस्त्रि बर’

गोबाव सम जाबाय, बिदांस्त्रिया सुं द’ सल’ लि्रथाराखै। लि्रनो लि्रनो साननानैबो लि्रनाय जायाखै। बुंनो थाडोब्ला प्ल्ट मोनाखै। सासे मोजां लि्रगिरि होननानै मुं मोनसेयावबो बिदांस्त्रिया सम सम सल’ लि्रनो आनदायनायबादि मोनो। माब्लाबा प्लटखौनो गोसोखांनो हाया, माब्लाबा प्लटखौ गोसोखांनो हाब्ला लि्रनोनो सम मोना। लि्राल्लाबो थानो हाया। माब्लाबा लि्रनो होननानै आरांगगायाव जिरायनानै माबा-माबि गुदि गैये बिजौ गैयै बाश्नाफोरासो खाइसो खालामफैयो। गले गले गावनि साननायफोरानो बिखौ गोनो-गोथोयाव खोख्लैयो। माब्लाबा बियो गाव लि्रनाय सल'खौनो आनदायबायो....मा लि्रनो नागिरदोंमोन... मानो बिब्दि लि्रदोंमोन....मा थांखि दंमोन बे सल'नि...।

सानसेखालि जोबोद मोजां मोनसे प्ल्ट मोननानै लि्रहांदोंमोन बियो। मावख’ गैयामोन बै सानखालि। ओंखाम जाफुबाय थानाय समावनो मोनसे बाश्ना गोसो खांदोंमोन बियो। बेखौनो सल'नि महर होनो बियो सानदोंमोन। ओंखाम जाखांनानै बियो गावनि लि्रग्रा आरांगायाव जिरायहैदोंमोन। जुरिदोंमोन लि्रनो। लि्रहांथारदोंमोनल’ बे समावनो नसुंसेरनि रजे बिमाया गाबखावहरनायाव बियो लि्रहांनाय सल'खौ बिब्दिनो गारनानै खारलांदोंमोन। रजे बिफाया हर्खाबै गोजौ थै नारथायाव गोर्लैनानै आला-गला जादों। ओंखाम जाखांनानै गइ खान्दिसे ज्रोम जानो होननानै बिसिखौं खावहोदोंमोन। बिसि गय खावनाय सेरावनो मासियाव जिरायनो होननानै मासि बोश्रोदहरनायावनो माबोरैबा मोनखानानै जल्दब जसोलांदों आरो मेगनल’ देग’ ग’ नायनानै थाबाय थादों। जेबो बुंनो हायाखै, खुगाखौ एसे बोखेनायबादि नुनानै गोजौ थै नारथाय सिखारदों होननानैनो रजे बिमाया बिदांस्त्रिखौ गाबखावहरबाय। लेपटपआव आद्रा जानानै थालांबाय बिदांस्त्रिया टाइप खालामहांनाय सल'नि बाहागोसे....

इस्स.....खाइसे बाश्नाखौं बुडैयानो गाहाम। खाइसे खामानिखौं मावैयानो गाहाम। बेनि फिनजाथाया बिब्दि जागोन होननानै सोर सानफेरदोंमोन.... होम्प.... आरो बेखौं मावाब्लाबोदि आं गोजोननाय नाडामोन..... माब्लाबा खामानिनि फिथाइफोरा बेबादिबो जायो ने.....अह.... माबोरै थो मिथिनोमोन मावाब्ला बेबादिनो जानो हागौ

थ ा स ि र य ा होननानै..... मा खालामनो दा... माबोरै मोगा-मोगि जानो..... माबोरै सौसिनो..... ?

लाइसारिया बाश्नाखौ सानप्लेबाय थादों। लाइसारिनि गोसोआव एसेबो गोजोननाय गैया दिन्नै। मा खालामनो मा

मावनो जेबो सानस'ना मोनाखै

लाखिनो थाखाय मावरिया सेंग्रासो नागिरखादों। रजेनोबो नांगो जेबो साखि मावाजासे, जेबो फालांगि मावाजासे उदाडै जानो हानायनि राहा।

गोरजिया थाहैब्लाबो बिहामजोखौं गावसोरनो खेबसे खिन्थाफै होननानै आर'ज गाबबायबायदोंमोन सुबासि निबारनमोनहा, नाथाय गैया र जे आ बेखौंबो खालामथाराखिसै। बियो बुं'बावलांदोंसो जि जाबाय जाबाय नोंस्त्रा फिसा गैखायामोन। बेनिखायनो आंखौबो माब्लाबाबो खांफेरनो मोनाखै होननानै लादो। नोंसोरजों आंहा जेबो सोमोनदो गैला।

र जे नि बाश्ना सानबायबायैनो अबथिरा रानखेबलांनायखौं नोजोर खालामदों बिदांस्त्रिया सुबासि आरो निबारनखौ। बियो न'सुंसेरनि जानायलाय सुख-दुखुनि बिसोरखौं खौरां लायो। सम सम नांगैबादि हेफाजाबबो हरो। र जे खौबो बियो अनदोंमोन, गामिनि गुबुन गथ'फोरखौं जैरै अनो। रजेनि फोथायखेबस' खामानियाव बिदांस्त्रियाबो इनायनो दुखु मोनदों। नाथाय बिदांस्त्रियामालाय माथो खालामनो हानो? बिबोथ' फोथायखेबसनिनो बोलि जानांदों।

बिमा–बिफािनि गनायथिनायजों राइजो राजानि बोर सारस्त्रिनाय लानानै दिनेशजों हाबा जादोंमोन बियो। मोनसे सोरखा्रि मावख'नि मावदांसा दिनेश। मेगनाव गोनां, बयजोंबो अनजाथावथाव। जानांगौ बिदांस्त्रिमोननि हाबाया बोसोरखै जाबायमोन। बिदांस्त्रिया अब्ला दानबैनि देहा गाज्त्रि। सानसेखालि मावख'निक्राय फेफिनबाय थानाय समावनो दिनेशआ मथर जात्रबथायाव गोर्लैनानै बे बुहुमनिक्राय बिदाइ लालांबाय। गाबै गाबै गावखौनो नोरजिया खालामनानै लानाय बिदांस्त्रिनि गोर्बोंनिक्राय स्त्रि दान जास्लाबैयावनो सासे गोथै हिन्जावसा गथ’ जोनोम जाबाय। सोरगिर्दि खोमसि नुबाय बिदांस्त्रिया। सानदोंमोन दिनेशनि जोबथा नेरसोन बे गोर्बोंनि फिसाया जोनोम जायोब्ला बेखौनो बिखायाव गोबाना लानानै जिउनि गासै समखौं मोजाडै बारहोहरनो। नाथाय बिदांस्त्रिनो बे बरादखौं हराखिसै। मिनिनो बावगारनाय, जानो-लोंनो बावगारनाय बिदांस्त्रिखौ फोथानानै लाखिनो थाखाय सानसेखालि बिनानावआ गावनि जावजा फिसाफोरनि

सासेखौं बिब'नि आखायाव गथायनानै बुंदोंमोन– नैबेयो नोंनि फिसा आब’। बेखौं खांनायनि बिबाना नोंनि।

थारैनो बिदांस्त्रिया मिनिनो सोलोंफिनदोंमोन। बिनानावनि फिसाजोखौनो बिखायाव गोबानानै गावनि असे फिसानि अननाय होनानै बियो खांदों बादों-फेदेरदों। फिसाइनि मावख'आव थानानै बियो बेखौं बैखौं लोगो हमनानै आर'जलाइ ग'थायनानै फिसाइनि अननायनि फिथाइ महरै साख्त्रिखौंबो बिखनानै लानो होदों। गोदान नोजेरजो गोदान थांखिजों थानानै थानायनि लामा बियो सनानै दिहुनदों, जानजि खाफ्रादों। बे बिदांस्त्रियानो नाथाय आरोबाव सानसे गाबखावबावनांदों गावनि जिउनि जेननायजों।

फरायसालिनिफ्राय जिथाम बोसोर बैसोनि फिसाजोखौं लायनानै नआव दोनफै नानै मावख'वाव थांफिनदोंमोन बियो। सानफ्रोमबो बिब्दिनो खालामो। फारागा बेनोल' बैसानखालि बिखुनजोआ एसे लोमजास्रोदों। थेवबो बांद्राय नडैलाय दै गुदुं मुलिफोरखौं बिखुनजोनो जगायना होलांनानै फिसाजोखौं बिबैनि खाथियाव थाफाबाय थानो थिननानै मावख'आव थांफिनदों बियो। जेब्ला बियो मोनाबिलियाव मावख'निक्राय नआव सौफैयो फिसाजोखौं नुनो मोनाखिसै। बिबैनाव सोंबाय बिबैया मिथिया। बेनाव बैनाव सोहरबाय रावबो मिथिया। गुलंब गुलंब बिखा मावनायजों बियो बिनानावनाव सोहरबाय- गैया बिसोरनावबो थाडाखै। हरजों हरनो फं'बायखौं लिं'हरनानै नागिरथिंबाय गैया। थानायाव थानानै खौरां हैबाय। पुलिसफ्रा हरसे सम लामा नायनो खवलायबाय। रेलवे स्टेसान, बास स्टैण्ड नागिरनो खिन्थाबाय। गैया, जेरावबो गैया। हरसे थार्ला उन्दुनाय गैयै बिदांस्त्रिया फुंबिलि बुल्त्रियाव एसे थेनथावज्रोम मोनदोंमोन। बिनानावनि लांगोना मोखाडव गाबखावफैनायाव फोरलाब–फोरथाब खारलांदों गावसोरनि लांगोनाथिं। गावसोरनि न'नि उनर्थिजायनो फिसाजोनि लंथं देहायै गोर्लैसोनाय थानायखौं नुसनफै दों बिनानावा। उदखारिया हरसे थारला फिसाजोनि देहाजों गेलेनानै फुंबिलियाव गारनानै गालांदों गावसोरनि ननि उन्थिंजाय। जिउआ दंमोन, नाथाय गैयाखौनो बुंजायोमोन।

देहाफाहामसालि, पुलिस थाना, कर्ट', गौथुमफोरनि मावख', गावनि मावख'नि मावनांगो बिबान..... बिदांस्त्रिया बाइगिल्लांदों। बेनि गेजेरावनो मानसिफोरनि गोफार नोजोर, गोफार राव। बिष गोर्नासिन जादोंमोन बिनानावनि रावआ– दाइनिंसो नों। फिसाइखौबो जाबाय जाबाय गावनि फिसाखौंबो जाबाय। गावखौं अननानै आंनि फिसाखौंबो गावनो होफैलायबाय, बेखौंबो थानानै थानो हायै गोहो खालामनानै होबाय। दाइनिंसो नों दाइनि..... बिदांस्त्रिया गावखौनो अगाले मोनखाडो। बियो मुगैनो ओंखारो गावनि जिउखौं। नाथाय साखाथि फाखाथि नोजोर होनानै बियो नुयो– नड, गावल' बेबादि सैनांनाय हारसिं सुबुं नड। बे संसारनि साखाथि फाखाथि जेथिं नोजोर होयो बेथिनो नुयो जेरावबो जिंगा बिदां आरो बे जिंगा बिदांनि गेजेरावनो गावखौं बयनिखुय खुसिसिन सुबुं होननानै दिन्थिनो मानसिफ्रा। बयबो गुस्त्रिथाव आलायनानै लादों मिनिस्तुनाय। बिदांस्त्रियाबो दा मिनिस्तुनो रोंबाय। आरो मिनिगाग्लाबनो फोरोंबाय बिखौ बिनि आखायनि रेबगनआ। बियो दा सुंद' सल' लिरो। साखाथि फाखाथि थानाय मानसिफोरनि जिउ जारिमिनफोरानो बिखौ सल' लि्रनो थुलुंगा होयो। बयनिबो जिउआव माबा नड माबा मोनसे दंथारो। सोरबाबा लाखोमाया सिखोमाया उदाडै बयनोबो दिन्थिफुडो, आरो सोरबाबा लाखोमानानै दोनो। आरो बे लाखोमानानै दोनग्राफोरनि मोखाडावनो मोजाडै नोजोर होयोब्ला नुयो रावनोबो बुंफोरना होनो हायैनि मोनसे गोसो ईर्सिनि गाबखावनाय। बिदांस्त्रिया बै गोसो ईर्सिनि गाबखावनायखौंनो बिलिरहरनो लुबैयो रेबगननि गेजेरजों, गावनि सोदोबनि मोनथोरजों।

बै लाइसारि, थिंगिनि, रिंखामोनखौबो बिदांस्त्रिया बहाबा लोगो मोनदोंमोन। लाइसारिनि सल'खौनो लि्रनो होननानै जुरिहांदोंल'मोन बियो बेवहायनो रजे बिमानि गाबखावनाय.....। इस्स..... आद्रा जाबाय लाइसारिनि सल'। दा बिदांस्त्रिया गोसोखांफिनब्लाबो हायाखिसै लाइसारिहा थिंगिनिजों मा सोमोनदो दंमोन.... गावसोरनाव हाजिरा मावफैनाय हजरत आलिजों बिहा मा सोमोनदो दं..... हजरत आलिनि मेगन... बनि गन्थं.... बनि मोखां.... सोरजों गोरोबो... सोरजों गोरोबो..... गैया बिदांस्त्रिया गोसोखांब्लाबो गोसोखांफिननो हायाखिसै... गाव मा थांखिजों जुरिदोंमोन बे सल'खौ... सल'नि प्लटखौ मानो बियो बिब्दि लांदोंमोन.....। बेबादि बेसेबादि लि्रफ्रामनाय आद्रा सल' दं..... बेफोरखौं माबोरै आबू खालामफिनबावनो.....❏

## मणिपुर पुलिसा साब्रै उतरारिफोरखौं ग्रेप्टार खालामदों



**इम्फल, 26 अक्टबर** : मणिपुर पुलिसा 25 अक्टबरवा थौबाल आरो इम्फल जिल्लाफोराव नार्यबजिरनाय हाबाफारि खुंदों, जायनि फिथाइ महरै होबथाजानाय आफाद प्रेपक (प्र), केसिपि (टइबां) आरो केवाइकेएलजों लोब्बा गोनां साब्रै एक्टिभ बिग्रायारि केडारखौं ग्रेप्टार खालामो। थौबाल जिल्लानि आलादा–आलादा जायगाफोरनिक्राय सानै प्रेपक (प्र) सोद्रोमाफोरखौं हमो। 32 बोसोर बैसोनि राजकुमार नेवी मेइतेइखौं वांजि बाजारनिक्राय ग्रेप्टार

# आसामआव 1983 नि नेल्ली बुथारग्लुंनायनि रिपर्टखौ फोसावसिगोन

**गोदान दिल्ली, 26 अक्टबर:** आसाम सरकारनि फारसेनिफ्राय 1983 नि नेल्ली बुथारग्लुंनायनि सायाव टिपि तिवारी आयगनि रिपर्ट फोसावनायनि सान्ने उनाव थांनाय शनिबारखालि गुबुन गुबुन थाखोनि सुबुंफोरा बे थांखिजों रइज्योनि गुबुन गुबुन फोलेरफोरनि गेजेराव गोजोना भंग जानो हागौ होन्ना सन्देह फोरमायो। गिबि मन्थि हिमन्त बिश्व शर्माआ थांनाय बृहस्पतिबारखालि फोरमायदोंदि, राइज्यो मन्थि आफादआ नभेम्बर दानआव फैगौ समनि बिधानसभा जथुम्मायाव तिवारी आयगनि रिपर्ट दिन्थिनो थांखि लायो। हाबफैखोमानायनि हेँथायै 1997 निफ्राय 1985 सिमाव आसाम सोमावसारनाय समाव 1983 नि 18 फेब्रुवारिआव नेल्ली (मरिगाव)



बुथारग्लुंनाय जादोंमोन। बेयाव हरसेयावनो 2,100 निखुइ बांसिन सुबुंफोरखौ बुथारदोंमोन, जेराव बांसिनै बांग्ला राव रायज्लायग्रा मुसलमानफोरा दडमोन। 1983 नि 14 जुलाइयाव आसाम सरकारआ टिपि तिवारीनि दैदेन्नायाव मोनसे आयग दादोंमोन। आयगआ मोन 551

आयदाफोरनि रिपर्टखौ 1984 नि मे दानाव बै समनि हितेश्वर सरकारनो गथायदोंमोन, नाथाय बेखौ माब्लाबाबो फोसावयाखै। बेनि सोमोन्दे बेरेखा दोलोनि दैदेनगिरि देवब्रत शइकियाआ बुडोदि, बे जाथायनि 43 बोसोर उनाव एसेबां गोजाम रिपर्टखौ मानो फोसावगासिनो दड।

## गुवाहाटी प्लेटआव सासे आइजोनि गोथै सह' बोखांदों



**गुवाहाटी, 26 अक्टबर :** गुवाहाटी हाटिगामनि लक्ष्मी नगर ओन्सोलाव गंसे भार न'आव सासे लाइमोननि गोथै सह' मोन्नायनि उनाव पुलिसा नायबजिस्नो जागायो। थैनायनि सिनायथिखौ रिया राजवंशि महरै होदों, जायखौ 24 अक्टबरनि हर गेजेराव बिसिनायाव गांसे कम्बलाव जोबनानै थानाय थासारियाव मोननो हादों। बेखौ बंजिका रभाआ नायसंदों, जाय गासै 1 सप्ताह गैयैनि उनाव गावनि बिमा-बिफानि गामि बकनिफ्राय फैफिदोंमोन। गोथै सह' मोन्नायाव बियो थाबैनो बिबानगिरिफोरनो खौरां होदों। बे केसआव आथिखालाव पुलिस रहन कश्यप, जायखौ नयन दास मुडैबो मिथिनो मोन्नाय जादों, बिखौ ग्रेप्टार खालामदों, जाय गोब्राबै राजबंशोरखौ रावबो गैयै समाव नाम्बार 12 लक्ष्मी नगरनि न'आव लाबोदोंमोन। दायनिगिरिया गासै 6 सप्ताहसिम राभाजों लोगोसे लिभ-इन रिलेशनशिपआव थागासिनो दंमोन। बिबानगिरिफोरा बेयावनिफ्राय गोबां बिबांनि निसानि मुलि मोननाय जादों। बेयाव नार्कटि कन्टेनर आरो 1.5 लाख रॉनि बांसिन रं बोखांदों। मोनसे फरेन्सिक टीम आरो क्रिमिनेल इन्भेस्टिगेशन डिपार्टमेन्टआ आबुडै नायबजिरदों आरो गुवाहाटी मेडिकल कलेज आरो देहा फाहामसालियाव मेजिस्ट्रियेल नायबजिरनायनि गेजेरजों पस्टमर्टमनि थाखाय भिडिय रेकर्ड खालामनाय जादों। आथिखालाव खारनानै थानाय दासखौ ग्रेप्टार खालामबाय आरो बियो दाबि दैखाडोदि, थैनाय आइजोया गावजों लोगोसे ड्रग्स जादोंमोन। बियो मिडिया मावसुमानि सिगाडव बुडोदि, अभारडसनि जाहोनाव बियो बेहुस जादों।

## आफगानिस्तानआ पाकिस्तानखौ दावहानि हुमखि होदों

**गोदान दिल्ली, 26 अक्टबर :**पाकिस्ताननि रैखाथि मन्थि ख्वाजा आसिफआ सांग्रांथि होयोदि, जुदि इस्ताम्बुलाव सोलिबाय थानाय गोजोन सावरायनाया फेलें जादोंब्ला पाकिस्तानआ काबुलजों लोगोसे उदाडै दावहा जागायनो हागौ। एल निउजनि रिपर्टनि बायदिब्ला, बे जथुम्माफोर आफगान-पाकिस्तान सिमनायाव बावैसो समनि दाडा-बाजि आरो दावहा दोन्थ'नायखौ सिफायनायफोरखौ होबथानो थाखाय खालामगासिनो दं। आसिफआ खौरांगिरिफोरखौ बुडोदि, थांनाय माखासे सानफोराव सिमनायाव जेबो गोदान दाडा-बाजि जायाखै, जायजों दहा रादाया खावसे महरै गोहोम गोनां महरै फोरमान जायो। आथिखालाव आफगान सरकारनि फारसेनिफ्राय आसिफनि बे बिबुंथिनि सायाव जेबो फिनजाथाइ होयाखै। दरनै हादतफोरनि थान्दै आफाद तुर्कियाव सावरायनायनि नैथि खोलोमाव बाहागो लागासिनो



दं। बे सावरायनायनि थांखिया दहा रादायखौ सोलिहोनाय, सिमना बारनानै गाग्लोबनायखौ

होबथानाय आरो गावजों-गाव फ े था य ला य ना य सोलिहोनाय।

## जापानआव 5.9 गोख्रैथिनि बांग्रि मावदों

**गोदान दिल्ली, 26 अक्टबर:** जापानआव गोख्रों बांग्रि मावनायखौ मोन्दांथिदों। अदेबानि बांग्रि मावनायखौ सा जापाननि सान्जा हक्काइडआव मोन्दांथिदों। बांग्रिनि गोख्रैथिया रिक्टर स्केलआव 5.9 मोन। बबेखानि बांग्रिजों दासिमबो रावनिबो जिउ खहा जानायनि खौरां मोन्नाय जायाखै। जापान बोथोर बिगियान एजेन्सिनि बायदिब्ला, बांग्रिनि मिरुआ



नेमुर' पेनिनसुलानि खोला-सान्जायाव 40 किल'मिटर गोथौआवमोन। बांग्रि मावनायनि जाहोनाव माखासे सुबुंफोरा गिखांनानै न'

**गोदान दिल्ली, 26 अक्टबर:** राजस्थान आरो गुजरातनि ओन्सोलफोराव 30 अक्टबर निफ्राय 10 नभेम्बरसिम आर्मि, एयार फर्स आरो नेभिनि एक्सारसाइज जानो थांगासिनो दं। बेनि सोमोन्दे नटिस फोसावनाय जादों। मख'नो गोनांदि, गोबां दाननिफ्रायनो मिलिटारि एक्सारसाइज सोलिगोन होन्ना फोसावनाय जादोंमोन। नाथाय बे खेबयाव बे मावबादाया गुजरात आरो राजस्थाननि सिमायाव जागोन। नसुखरि हादर पाकिस्ताननि हेँथायै भारतआ बे बोसोरनि मे दानाव अपारेशन सिन्दुर जागायदों, जायनि उनाव भारत हादरा जायखि जाया थासारिनि थाखाय गावनि रौनिया हानजाखौ थाद'नाय गैयै

## पाकिस्तानाव टमेट'नि बेसेना किल'आव 600 रां जाबाय



2021 आव तालिबाननि काबुलनि सायाव दखल खालामनायनि उननिफ्राय दासिमनि बयनिखुइ गिख्रंथाव महरै गनायना लानाय जादों। काबुलाव थानाय पाकिस्तान-आफगान चेम्बार अफ कमासनि गाहाइ खान जान अलकजइआ निउज एजेन्सि रायटार्सनो फोरमायोदि, दावहा जागायनायनि उननिफ्राय दरनै हादतफोरनि गेजेराव गासै रोखोमनि फालांगि आरो



थियारि खालामगासिनो दं। बेनि सिगां रैखाथि मन्थि राजनाथ सिंहआ रौनियाफोरनि साहस आरो बावसोमनायखौ बाखनायदों। जैसलमेर दावबायनायनि नैथि सानाव राजनाथ सिंहआ लंगेवालाआव बे एक्सारसाइजखौ नोजोर होनानै गोबां सान्थिफोरा गोदान

मुगानि दावहा नांनो हानाय गोहोखौ दिन्थिदों आरो बालाहामानि बालाफोराव गावसोरनि गोहोखौ दिन्थिदों। बे मिलिटारि एक्सारसाइजआव 'रबट डग', इन्, 'एटर एन1200', टेक आरो हेलिकप्टारफोर बायदि जौगा

थाखोनि गारिफोर दं, जाय इयुन दावहानि रोंगोथि आरो गोख्रैथि-गोहोनि मोनसे रुजुजायै गोरोबलायनायखौ दिन्थियो। गुबैयै नटामनि ओंथिया जादों एयारमेननि थाखाय मिथिसारहोनाय। बेयो मोनसे फोसाव बिलाइ, जाय

## आसाम चाहाआ नभेल बान्था मिउजियामाव गावनि जायगा आवग्रिदों

**गुवाहाटी, 26 अक्टबर :** आसामनि मुलुगनि मुदांखा चाहाआ फिन खेबसेबाव ब्रह्मपुत्र हायेननि गोथां-सोमखोर बागानफोरनिफ्राय फ्राय जोबोद गोजानाव सौहैदों। बे खेबाव आसामनि चाहाआ स्टकहमनि गोसोआव जायगा आवग्रिदों, जाय सुइडेननि बयनिखुइ मुदांखा हारिमुयारि आफादफोरनि गेजेराव मोनसे नभेल बान्था मिउजियामाव मान गोनाडै जायगा मोननो हादों। स्टकहमनि अलड टाउनाव थानाय बे मिउजियामआ बावैसो सिगां 'दा नभेल टी ब्लेन्ड- ए कस्मपलिटन ब्लेड इनस्पार्ड बाय दा लाइफ अफ आल्फ्रेड नभेल' खौ बेखेवदों, जायनि मुख मुलुगनि बयनिखुइ मुदांखा बान्थाफोरजों लोगोसे सरजाबनाय। आल्फ्रेड नभेलआ



सासे फोथायजाथाव मुलुगयारि नोगोररिमोन। बेयो 1833 आव स्टकहमनि सुइडेनाव जोनोम जादोंमोन। नाथाय बियो 9 बोसोर बैसोयावनो सेन्ट पीटर्सबार्ग, रासियाआव थाडो। बियो 17 बोसोर बैसोयावनो सुइडेन, रासिया, फ्रेन्च, ईराजी आरो जार्मानिआव बुंनो आरो लिरनो हागौमोन। बियो फ्रान्सआव

अरायथा महरै न' बानायो। 1896 आव आल्फ्रेन्डनि फिसाज्जला रेमआ इटालीयाव जिउ गोमायो। जौनि मुदांखा बिगियानिकखौ मान होनानै बिन मख'जाथावखौ फालिनो थाखाय मोनसे जर'खा चाहानि मिश्रण थियारि खालामग्रा नभेल बान्था मिउजियामखौ बानायो होन्ना बिबानगिरिफोरा बुंदों।

## आहमेदाबादआव अफ्र डान्स नाइट मुंजों जौनि पार्टी सालायनाय सा 20 सुबुंफोरखौ ग्रेप्टार खालामदों

**आहमेदाबाद, 26 अक्टबर :** गुजराटआव निसा बन्द' खालामसेयावबो आफ्रिकान फोलेरनि लाइमोनफोरा शहरनि बायजोयारि ओन्सोलनि मोनसे फार्म हाउसआव अफ्र डान्स नाइटनि मुंजों मोनसे पार्टी लाखिदों। बेयाव बाहागो लाग्राफोरनो 7 निफ्राय 25 रोजा रांसिमनि टिकेट फाननाय जादों। बेनि खौरां मोन्नायाव पुलिस मावसुमाफोर, आलासि जानानै टिकेट लानाय बे पार्टीयाव सौहैयो आरो फार्म हाउसनि बिगोमाजों लोगोसे सा 20 सुबुंफोरखौ ग्रेप्टार खालामो। हमजानाय लाइमोनफोरनि गेजेराव केन्या, मंगलिया आरो गुबुन आफ्रिकान हादतफोरनि लाइमोनफोरा दंफायो। पुलिस एसपि अम



प्रकाश जाटआ फोरमायनाय बायदिब्ला, बे अफ्र डान्स नाटिआव सिग्रोमनानै गासै 70 सुबुंफोरनि गेजेराव जाय सा 20 ग्रेप्टार खालामदों, बिसोरनि गेजेराव सा 13 आफ्रिकान नोगोरारिफोरा दंफायो। पुलिस शिलाजनि खाथियाव थानाय जेफिर फार्म हाउसआव

सिग्रोमनानै गोबां बिबांनि जौ, बायदिफोरखौ बोखाडो। बियारनि केन, हुक्का

## भारतआ रासियानि थाव बायनायखौ बन्द' खालामसिगोन होन्ना ट्रम्पआ दाबि खालामदों

**गोदान दिल्ली, 26 अक्टबर :** आमेरिकानि हादतगिरि डनाल्ड ट्रम्पआ फिन खेबसेबाव भारतआ आथिखालाव रासियानि थाव बायनायखौ बन्द' खालामसिगोन होन्ना दाबि दैखांदों। ट्रम्पआ बे समाव एशिया दावबायदों आरो आसियान (एएसइएएन) शिखर सम्मेलनआव बाहागो लागासिनो दं। थांनाय रबिबारखालि 'एयारफर्सआव' उरां जाहाजआव खौरांगिरिफोरजों सावरायनानै ट्रम्पआ बुडोदि, भारतआ रासियानि थाव बायनायाव खमायगासिनो दं। भारत आरो आमेरिकानि गेजेराव फालांगियारि सोमोन्दोआव बावैसो सानफोराव जेना गोनां जाना फैदों। ट्रम्पआ दाय जाबसिनोदि, भारतआ रासियानिफ्राय थाव बायनानै इउक्रेन दावहाखौ बांहोगासिनो दं, जायनि जाहोनाव बिसोर भारतनि सायाव 50 जौखोन्दो टेरिफ जाबसिन्दोंमोन। चीनआ सिगाडवनो रासियानि थाव बायनायखौ गोबां खमायदों आरो भारतआबो आबुडै खमायगासिनो दं। ट्रम्पआ बे सप्ताहआव



रासियानि थाव कम्पानिफोर 2 सेनेफ्ट आरो लुकइलनि सायाव होबथानो सोमावदोंमोन। ट्रम्पनि बे बिबुंथिया ओरैबायदि समाव फैयो, जेब्ला बिहा शि जिनिपिंजों साउथ करियाआव लोगो हमनांगौ जायो। सानै दैदेनगिरिफोरनि बे जथुम्मया आमेरिका-चीन फालांगियारि जेनाखौ खम खालामनो नाजानायनि बाहागो। भारतआ सिगांआवबो ट्रम्पनि बेबायदि बिबुंथिफोरखौ नेवसिखांबाय। भारतनि गुबुन हादतयारि बिफानआ बुंदोंमोनदि, हादतआ गावनि इनार्जि नितिआ गावनि माहारियारि जौगाखां आरो भारतयारि बाहायगिरिफोरनि थाखाय थि खालामगोन।

# मुलुगनि देरसिन हादत रासियाआ बबे महाद्वीपआव दड मिबथिनो गोनां



मुलुगनि बयनिखुइबो देरसिन हादतआ जाबाय रासिया आरो बेयो मुलुगनि बयनिखुइबो बांसिन हादतफोरजों सिमना नांजाबनाय हादतबो। मुलुगनि दर 16 हादतफोरजों रासियाआ सिमना सेयार खालामो। नोजोर होथावदि, रासियाआ एसिया हादतमनि बाहागो एबा इउरपियान महाद्वीपनि बाहागो। गुबैयै रासियाआ बबे हादतमायाव दड बेखौ दिनैनै लिउरबिदांआव मिबथिहोनाय जागोन। मख 'जाथावदि रासियाआ दरसे महाद्वीपआरि गेजेर हादत, जाय सानव्जा

इउरप आरो सा एसियासिम गोसारनानै दड। अदेबानि इउएसखौ दानायनि उनाव बेखौ इउरपियान महाद्वीपआव दोन्नाय जादों। फारसेथिनि बेनि बांसिन बाहागोआ एसियाआव गोम्लैयो आरो बेनि बांसिन सुबुंफोरानो इउरपआव थायो। भुमखौराडरि नोजोरै रासियाखौ मोननै नोजोराव रन्नाय जादों। मोनसेआ जादों इउरपियान रासिया आरो गुबुन मोनसेया बेनि एसियान बाहागो। मुलुगनि बयनिखुइबो बांसिन हादतफोरजों सिमना नांजाबनाय हिसाबैबो रासियाआ मख 'जाथाव। बेनि सा-

सोनाबहा नवें आरो फिनलेन्ड, सोनाबहा एस्टनिया, लार्टबिया, बेलायस, इउक्रेन, लिटुआनिया आरो पलेन्ड, खेला-सोनाब फारसे जर्जिया आरो अजरबेजान, खोलाहा काजाकिस्तान आरो मंगलिया, खोला-सान्जा फारसे चीन आरो सा-करिया हादतफोरजों सिमना नांजाबो। रासियानि बांसिन बाहागोआ एसियाआव गोम्लैदोंब्लाबो बेनि बांसिन सुबुंफोरानो इउरपआव थाहैयो। मुलुगनि देरसिन हादत रासियाआव गुबुन गुबुन हारिमुवारि आरो आसार-खांन्थिनि सुबुंफोरा थायो।

हादतनि 77 जौखोन्दो सुबुंफोरा इउरपआव गोम्लैनाय बाहागोआव थायो, 'जेराव राजथावनि मस्कआबो दड। बे सहरआ इस्तानबुलनि उनाव इउरपनि नैथि बांसिन सुबुं अन्जिमा थानाय सहर। हारि बायदिदै बेयावनि 4 बाहागोनि 3 सुबुंफोरा रासिया आरो खूस्तान धोरोमआ बे हादतनि देरसिन धोरोम। हादतनि अरथाइनि बाथ्रा बुडोब्ला, मुलुगनि देरसिन हादतनि गासै हा खालिया 17,125,191 बर्ग किल 'मिटार। बेयावनो मुलुगनि गोथौसिन बिलो बेकालआबो दड। इउरपनि लावसिन दैमा आरो देरसिन बिलो फारियै- भल्गा आरो लादगायाबो बेवहायनो दड। सा आरो खोला धुभफोरनि बायजोआव थानाय बेयो मुलुगनि दरसेल 'हादत, जेराव बयनिखुइबो खम बिदुं थिसन्नाय जायो। रासियाआ मुलुगनि मोन 30 इउनेस्क वर्ल्ड हेरिटेज साइटफोरनिबो मिरु होन्ना बुंजायो।

## सुबुडा फिसिनो हायै आरो आथिंसिडाव दोन्नो हायै गिखंथाव मोनसे रोखोमनि जुनात

मुलुगआव माखासे गिखंथाव जुनातफोर दड। बेफोरनि गेजेरावबो गोबांखौनो सुबुडा गावनि सोलो आरो गोहोजों सामलायनो हानाय जानानै फैदों। अरनबारिनि गिखंथाव जुनात मोसा, सिंह, लख्राफोरखौबो आथिखालाव सुबुंफोरा न'आव लाबोनानै फिसिफैदों। नाथाय गोबां सुबुंफोरानो मिथियादि, हाग्राणि बबेबा मोनसे जुनात दासिमबो सुबुंनि खाथियाव गंगलायाखै। गोबां नाजानायनि उनावबो सुबुडा बे जुनातखौ गावनि सिडाव दोन्नो हायाखै। हाग्राणि बे मोनसे जुनातखौ सुबुडा माब्लाबाबो फिसिफैनो हायाखै। अदेबानि बे जुनातखौ माखासे हलिउड आरो बलिउड सावथुनफोराव नुनो मोन्नाय जायो। माब्लाबा पिसास महराव आरो माब्लाबा गिखंथाव दावनि महराव बेखौ नुनो मोन्दों। इटलीयान 'दा सिटि आफ गड' नि लिउरगिरिआ बे जिउनांखौ सासे सुरेल एबा दायनिजों



रुजुदों। बे सुबुंजों सामलायजाथि गिखंथाव जुनातआनो जादों-भेरिया एबा सियाल हारिनि मोनसे गिखंथाव जुनात। हाग्राणि जिब-जुनात जरखागिरि स्वप्लिन कताला थांनाय 22 बोसोरनिफ्रायनो भारतनि हाग्राबारिफोराव हाग्राणि जुनातफोरनि सायाव नायबजिरदों। बियो गोबां खेव गिखंथाव जिबफोरजों मोगा-मोगि जानांदों। माब्लाबानि समाव जिउखौ लानानैबो खैफोदजों जुजिनांदों। नाथाय बियो खेबफ्रोमबो गावनि जिउखौ रैखा खालामनायाव जाफुंसारनो हादों। स्वप्लिनआ

जुनातफोरनि जाय हान्जाखौ गिखंथावसिन होन्ना गनायो। बेनो जादों भेरिया। सुबुंफोरा गोबां नाजानानैबो बेखौ खाबुआव खालामनो हायाखै। बे जुनातआ हान्जायाव थायो, गावसिनि नख 'रखौ जोबोर जोथोन लायो। बेफोरनि हान्जायाव देरसिनखौ मान होनाय आरो गनायनाय जायो। बुंनो थाडोब्ला सुबुंफोर बायदिनो भेरियानि हान्जायावबो देरसिनखौ मान होयो। मख 'जाथावदि, मासे बैसो गोरा भेरियाआ 42 हाथाय थायो। बेनि हाथायआ औरैबायदि गोखोंदि, गिदिर गिदिर

हाराफोरखौबो गोरलैयैनो अखुबनो हायो। सावथुनफोराव नुनो मोन्नाय बांसिन भेरियाआ साइबेरियान आरो बेफोरो सैमानिफ्राय गोबां गिदिरसिन जायो। बेनि गासै मोदोमाव रेजा खोमोन थायो। नाथाय भारतआव जाय भेरियाफोरखौ मोन्नाय जायो बेयो सैमाफोर बायदिनो। बेनि दाथाय एबा गिदिरआ सैमाजों समानफ्राम आरो सोलेरावबो गोबां खम खोमोन थायो। बिहारनि सोनाब संपारन जिल्लानि टाइगर रिजार्भ फरेस्टआवबो माखासे भेरियाफोरखौ मोन्नाय जायो। मुलुगनि गेजेरावबो भारतआरि भेरियाफोरनि जारिमिना गोजामसिन। नाथाय आथिखालाव बेफोर गोमा लांनयनि लामायाव सौफैबाय बेनि जाहोनावनो बे जुनातखौ भारतआरि हाग्राणि जिब सरैखाथि बिथोनमानि गेजेरजों बुहुमनिफ्राय गोमालांनो नागिरनाय जुनातफोरनि थाखोआव दोन्नाय जादों।

## पाकिस्तानआ बांग्लादेशआव माखासे उतखारि केम्पफोर गायसन्दों

गोदान दिल्ली, 26 अक्टबर: जमात-ए-इस्लामीनि मदतगिरि मुहम्मद युनुसनि दैदेन्नाय बांग्लादेशआ दिनें कट्टरपन्थी इस्लामी आफादफोरनि दबथायनायनि जाहोनाव गांजि थासारियाव दड। युनुसनि खुंथायाव फैनायनि उनाव गासै गुबुन हादतआरि नितिफोरा पाकिस्ताननि फारसे महर लाबाय आरो बेयो भारतनि थाखाय जिंगा सिनायनि आयदा। दिनें बांग्लादेशआव पाकिस्ताननि संगालि एजेन्सि आइएसआइआ माखासे उतखारि केम्पफोर गायसन्दों, जेराव गोबां अनजिमानि लाइमोनफोरखौ ट्रेनिं होगासिनो दड। आथिखालाव बांग्लादेशआ बांसिनै उतखारि आफाद



आइएआइनि इसारायाव सोलियो। नाथाय मोनसे औरैबादि आफादबो दड; जाय पाकिस्ताननि थाखाय जेना सोमजिहोगासिनो दड। बबेखानि हिज्ब-उत-तहरिर (एडसइउटि) आ मोनसे

औरैबायदि उतखारि इस्लामी आपाद, जाय पाकिस्तानजों जेना दड। अदेबानि फिलिस्ताइन आरो तालिबाननि सायाव पाकिस्ताननि आखुजों बांग्लादेशआव तहरिक-ए-तालिबान पाकिस्तान (टिटिपि)

बायदि गोदगान जेना सोमजिहोगासिनो दड। संगालि आफादनि बिबानगिरिफोरा बुडोदि, एडसइउटिआ आइएसआइनि गेजेरजों बांग्लादेशआव सालायनाय जायखि जाया हाबाफारिनि

जखमो नख।

# रंजालि गथ'फोरनि सौरा

## सोरनिबा साल ( थासारिखौ सं दाननानै )

आइयै! नॉनि मेग 'नाव दिनैबो मोदै राननाय द 'बा दिनैबो आं नुआखै! बिटिसिआवबो नों फोरानफुंनो मोनासै बिटिएडिआवबो खावख्लाबसे दाखिफैबाय जोमै, नै दिनैनै बिटिआरावबो फिन जाखिसे अखा जाय नॉनि फिसाफोरनि दुखु-दाहा इयुननि जोरथाइ गैयि गोरोबथा, गोबां जेंनानि थुबुर मावथाव हाथि आथुर सोरगिदि नॉनि फिसाफोरनि सुथुर, थागिबि जों नॉनि फिसा थिर गैयि जॉनि थामोन्था मोन्थाइनि जों दिनै बान्दा, थिखानाय जॉनि थारगुबै मोन्थाइ गोबां मोख्रानि गेजेराव गारनाय थाइसे थालिर फिथाइ गावजों गाव जानांदों जालाय 'जाखाय, मालायनि आखाइनि गोथै देहा आइननि साजा मोननांदों असे फिसा फासायजानायनि दुखुनां बजा, न 'नि सिलायाव गोथां थैनि गाव गारखुमालांदों गोसोम मुखानि गाब फान्दायनो नाजादों आइयु हाबाब, एरसननो नाजादों हिंसागिरिफ्रा गावजों गाव जोबसांनायनि स्नोद परमुला नंखाइयै सिमान लादों जों नख, गावनि फानाव गावनो नांहोनाय खालामनो नाजादों थागिबिफोरनि जोबसांनाय जेनो गावहा दायनिफ्राय उदां जानाय, नख 'र जोबसांनाइयाव सोरनिबा साल दं असे जाथिनि खैसाराव सोरनिबा आखाइ दं असे फिसाफोरनि थैलायनायाव सोरनिबा सोलो दं, नख 'र दावहायाव हरखाब आखाइ दाहो असे बिदा फंबायनि दासिफाइ गोसो नखब्ला बायफलेगोन खौसैथिनि गोरा बान्दो, दिनें जॉनि सिलायाव ब्लें पाइयार गाबोन नॉनि थाखुलियाव हुसियार उनाव जानांगोन नोंजों आंजोंसो बिसार, राव, थुनलाइ, हारिमुनि थैनायाव सोरनिबा साल जाथि, जन 'जाथि मासि सेलायहोनायाव सोरनिबा साल गावजोंगाव जाथियारि कमिउनाल क्लेसनि साल नै दिनें राजनेटिकाव गांजिसिन सोरनिबा साल।

हादोदसा गयारि सनितपुर

## सिमांनि आन्दोआव

गोर्बो गोसोनि अनजालि रजे नों थारैनो बेसे गोजानाव ? रुगुं गैयै अख्रामा बारनानै.....! ना रुगुं गैयै लैथो बिखा बारनानै। नाथाय नों अनजालिया जेसेबांखि गोजानाव थाया मानो ! नों आंनि..... बै खोमसि निजोम हरनि सिमाडव साया-माया, नुहां-नुवाहां, उप्ले-उप्ले, दांनाय-बिलिरनाय, आन्नाय-खुदुमनाय फाव लाना गेले फैयो नों अनजालि रजे गोर्बो गोसो सिमाडव। दाउब सि-सिरिया फिसाखौ क ' क ', बजबना लानाय बादि ! जेब्ला नों आंखो.... गावनि गुवार बिखायाव मोजोमसे बजबना लायो, अब्ला आंनि गोर्बो गोसोया आवा-फावा जाना अन्नायनि लैथोयाव गोजावो। नाथाय नों अनजालिया सिमांनि आन्दोयाव गेले फैना मोकथानि बै जरासे गान्दुखौसो सेब-सेब सिग्लाब होना, बबेथिं आन्नाय लांफिनो ? नों अनजालि.... सिमांनि आन्दोआवनो।

मुप्ति दानसोरां बसुमतारी गामि- सेसापानी थाखो- B.A 3year ला:सो- मागुमारी जिल्ला- क 'क'राझार ( आसाम )

## अखा नागारोब्ला

मिथिंगानि खावलायनाय दान्दिसे सम, हालो-दैलो,गोजोन-गुसु, बायदि मैया ? मैया बोधोरनि सोलायलु। गोसोआ सिदोब मोनो; जोमै दामोलखौ बोसांनाय खाबुयै आजोला बारा साय बिलिरलाडो। गोमजोर सान राजा मिनिस्लु मिनिहरो ; जेन 'बा, अखा हादैजों बनि दुंग्लाबनाय सोलेराबो सुदेम मोनखाडो। दंफां दालायनि आनदोआव थाखोमानाय आदुवा दावसिनफोर, थिउ-थिउ,थाव- थाव,सिउ-सिउ,साव-साव; गावजों गाव गाबज्रिहरलायो, थारैनो ज्ञय बिरलाडो। माइ दुब्लिनि आन्दोआव बोहैनाय फिसा जाम्फेनि रिंखानाय, स्ना-स्ना,ख्लो-ख्लो; जेन 'बा, अखा दैया बैसोमुथिखौ लोगो मोन्ना ज 'यै देंखोसो बोयो। रंगिना-संगिना सिमां सुजुग्रा आजोलि सिखोला , गाद्लेना जुल्दुब गोम्लैयो, उंउं खनानि बादमालिया जंखाय हरो। बबेबा खनानिफ्राय नायखोमाहरनाय मोलेले जायख्लं, बिदाय लानानै स्नोद गोमोर लाडो। हाबाब ! मादि जाथो जाथो सावगिरि बे अखाया नागारोब्ला।

प्रिया बर' धमधमा, नलवारि

## लामा दालां.....

रेगाखौ उन संनानै फोजौखानाय बिखाजों सिगां थांनानै थानो थाखाय थांनाय बायदि थैनानैबो थांना थानो जों नाजा हागौमानि।

हारिनि सानसि गैयाब्ला आरो धोरोमनि गाबोन नॉनि इयुना माबोरै गसंगोन - बबे दोलोआव दावखाफोरनि गेजेराव दावब '-दावराय बायदि दाजाथोल ' गासै दालाइफोरखौ थसे औवानि सायाव जाबसिनब्ला बेयो जौगा हाया।

हारसिडैसिगानानै माबा मुलाम्फा ? रंनाय आबौनि सह 'खौ दैखानो साब्रैखौबो गोनां, जोंहा राजउलाफादिन बुरखानां जारिमिनफोर दं आबै - आबौमोना होलांदोंमोन जोंथा माथा नोगोर।

फै-थौ-सिखां-हाथि गोदोना गोबाना आबै आबौनि सोथोयै लामा दिन्थिनाय फासै, गोदोनाय हा सिंनि बेगें आबै आबौनि खनखां थौ आवगाय गिनो नाड -आबडै-आबौनि बेगेंजों लामा दा:लां।

थैसामनि गिखंथाव मोनामनाय गोथां जारिमिन गावजोंगावसो मोसा-गुबुनजों दावसा मावरिया दे सैथोनि दोंसे लामा दा:लां-इयुना साव दाहोथों, बिखा फोरदाननानै हांन्थिनो हाथों लामा अराय मुगायाव....!!

गलाप खुंगुर बसुमतारी, कक्राझार

## आसुनि गाति गेलेन्टस काप फुटबल बादायलायनाय बीरशा मुन्डाआ सेमि फाइनालआव सहैबाय

भबानिपुर, 26 अक्टबर: कापनि दिनें खुंनाय सैथि क्वार्टर सालबारिनि साखाथि फाइनाल खुं'नाय जायो। समुवागातिनि नेहरु गोजौ गेलेनायाव पालसिगुरिनि बीरशा मुन्डा स्पर्टस क्लाबआ देरहायो। गाति आन्सलिक फरायसा सुबनखनि हारियालि स्पर्टस आफादिन बान्जायनायाव, फारागाथियाव फेजेन्नानै समुवागाति आरो सान्तिपुर दालाइ फरायसा आफादिन पालसिगुरिनि बीरशा मुन्डा हेफाजाबाव गाति गेलेन्टस काप स्पर्टस क्लाबआ सेमि फुटबल बादायलायनाय-2025 फाइनालआव जायगा आवग्रि आ खुंजागासिनो दं गेलेन्टस हैयो।

# रिलायेन्सआ गोदान आर्टिफिसियेल इन्टेलिजेन्स कम्पानी बानायदों

**गोदान दिल्ली, 26 अक्टबर:** मेटानि दालाइ कम्पानी फेसबुक अभारसिज ईकआ रिलायेन्स इन्डास्ट्रीजनि दालाइ कम्पानी रिलायेन्स एआइ लिमिटेडआव 30 जौखोन्दो बाहागो लागोन। रि लायेन्स इन्डास्ट्रीज लिमिटेडआ स्टक मार्केटखौ मिबथिहोयोदि, बेयो रिलायेन्स इन्टारप्राइज इन्टेलिजेन्स लिमिटेडआव 70 जौखोन्दो बाहागो थागोन। रिलायेन्स इन्डास्ट्रीज लिमिटेडनि आबुं बिगोमानि दालाइ फसंथान रिलायेन्स इन्टेलिजेन्स आरो फेसबुकआ जयै बे भेन्वरआव 855 कौटि रां थिसनगोन। कम्पानीया स्टक मार्केटखौ मिबथिहोयोदि, रि लायेन्स इन्टेलिजेन्स लिमिटेडआ 24 अक्टबर 2025 आव रिलायेन्स इन्टरप्राइज इन्टेलिजेन्स



लिमिटेडखौ गायसन्दों। एक्सचेन्ज फाइलिंनि बायदिब्ला, ‘रेइल, रिलायेन्स इन्टेलिजेन्सनि आबुं बिगोमानि दालाइ महरै भारतआव सोफादेरजानाय, मेटा प्लेटफर्म ईकनि आबुं बिगोमानि लेखइ कम्पानी फेसबुक अभारसीज ईक (फेसबुक) जों मोनसे

जथाइ भेन्सार कम्पानी जागोन। रेइलआ आर्टिफिसियेल इन्टेलिजेन्स सिबिथायखौ जौगाहोगोन आरो रानगोन। बे गोदान भेन्वरआव रिलायेन्स इन्टेलिजेन्स आरो फेसबुकआ जयै 855 कौटि रांनि गिबि रां थिसन्नायनि खोथा होदों। मख'नो गोनां दि, रेइल

दानायनि थाखाय जेबो सरकार एबा रेगुलेटरनि गनायथिनि गोनांथि गैयामोन। रिलायेन्स इन्डास्ट्रीजआ सोलिफु रांखांथि बोसोरनि नैथि क्वार्टरनि फिथाइखौ फोसावदों। 18 अक्टबरआव फोसावनाय फिथाइनि बादिब्ला, रांखान्थियारि बोसोर 2025-

## आमेरिकानि सान्थिफोरा इन्नजों गाजानि सायाव नोजोर लारिखगासिनो

**यरुशालेम, 26 अक्टबर:** आमेरिकानि सान्थिफोरा शनिबारखालि गाजा पट्टिआव इन बिरहोनानै बेयावनि दावहा दोन्थ 'नायनि थासारिफोरखौ नायदिडो। बे समावनो इजराइली सान्थि आरो हामासनि दावहारुफोरनि हाबाफारिफोरखौबो नायदिनाय जायो। बेनि गेजेरव शनिबार हर गेजेरव गाजानि गेजेर ओन्सोलाव इजराइली सान्थिफोरनि गाग्लोबनायनि खौरं मोन्नाय जादों। बे गाग्लोबनायाव सासे सुबुंनि जिउ गोमादों। बबेखानि आमेरिकानि हादतगिरि डनाल्ड ट्रम्पनि गोजोन बिथांखिनि गेजेरजों 10 अक्टबरखालि गाजायाव दावहा दोन्थ 'नाया जागायदोंमोन। बेनि सान्थाम उनाव हामासआ इजराइलनिफ्राय लांखारनाय सा 20 सुबुंफोरखौ हगारदों। गोबां खेब दावहा दोन्थनाया फेलें जानायनि उनाव आमेरिकाया इनजों गाजाखौ नोजोर लाखिनो थांखि लादों। सोनाब एसियानि आमेरिकान सान्थिफोरनि थाग्रा जायगाफोराव इनजों सेवखांनाय सावगारिफोरखौ नुनो मोन्दों। बेनि गेजेरव गाजायाव जाग्रा आदारखौ लानानै

## मणिपुर कास्टम्सआ 8,000 किल 'ग्रामनिखुइ बांसिन स्मग्लिं खालामनाय म्यान्मारनि सुपारिजब्द' खालामदों



**इम्फल, 26 अक्टबर:** मोनसे मख'जाथाव अपारेसनआव इम्फलनि कास्टम्स बिफानआ मणिपुर पुलिसनि हेफाजाबजों ओन्सोलारि गोसोम बाजारव 32 लाख रंनि 8,099 किल 'ग्राम सपारिजब्द' खालामदों। बेयो बोसोरनि बयनिखुइ देरसिन जब्द' खालामनाय। बिबानगिरिफोरा शनिबारखालि मिबथि होदोंदि, गंनै गारियाव आइन बेरेखा मुवा-बेसाद, जायखौं थगायनानै बिटुमेननि महराव मिबथि होदोंमोन। बेखौ म्यान्मारनिफ्राय मणिपुरआव लाबोनाय जादोंमोन। सासे बिबानगिरिया फोरमायनाय बायदिब्ला, साबा स्मग्लारफोर आरो आइन बेरेखा हाबाफारियाव बाहायनाय गंनै गारिफोरखौ बेंखनाव लादों। बबेखानि बिबानगिरिफोरा बिसोरखौ बबेयाव ग्रेप्टार खालामदों बेनि जेबो खौरं होयाखै। जब्द' खालामनाय मुवा-बेसाद आरो ग्रेप्टार खालामनाय सुबुंफोरखौ इयुननि आइनआरि नायबिजिरनायनि थाखाय कास्टम्स डिभिजन इम्फलनो गथायना होनाय जायो।□

## मिज 'रामआव एमएसइउआ सरकारखौ दर 11 आयेन बेरेखा गामिफोरखौ फोजोबस्त्रांनो खावलायदों

**आइजल, 26 अक्टबर :** मिज' फरायसा आफाद (एमएसइउ), जाय मिज 'रामनि गाहाइ फरायसा आफादफोरनि मादाव मोनसे, बिसोरो शुक्रबारखालि राइज्यो सरकारखौ राइज्योनि गुबुन गुबुन बाहागोयाव आयेन बेरेखा गायसन्नाय गामिफोरखौ थाबैनो फोजोबस्त्रां नांगौ होन्ना खावलायो। एमएसइउनि आफादगिरि लालखवांऐजुलाया बुंदोंदि, राइज्योआव दर 11 आइन बेरेखा गामिफोर दं, जायखौ आइन बेरेखा नोगोरारिफोरा गायसन्दोंमोन।



सुलुखव मिबथिनो मोन्नाय बायदिब्ला, खोला मिज 'रामनि लुंलेइ जिल्लायाव दर 7 आइन बेरेखा गामिफोर दं आरो ममित, चम्पाइ, खाउजावल आरो सांचिप जिल्लाफोराव दरसे-दरसे गामि दं, जायखौ बिथाड

सरजाबफादों। बिथाड बुंदोंदि, एमएलइउआ सरकारनि बै गामिफोराव मोब्लिब दै देहा आरो सोलोंथाइ बायदि जौगाखांनाय आरो साबस्त्रांनय बिथांखिफोरखौ गनायथि होनायनि सायाव बेरेखा जादों।



जेंना सोमजिगासिनो दड। जुथाय हादतनि गले गले खावलायनायावबो इजराइलआ गाजा पट्टिआव थोजासे बिबांआव जाग्रा आदारफोरखौ हराखै। ट्रम्पनि गोजोन बिथांखिनि बायदिब्ला, हामासआ आथिखालाव गावसिनि हाथियार आरो गाजानि खुंथायखौ नागरानांसिगौ, नाथाय हामासआ बेनि सायाव दासिमबो रोखायै बिबुंथि होयाखै।□

## फिसा रेस्टुरेन्ट आरो ठेलाफोराव बाहाय जाग्रा थावआ केन्सार, हार्ट एटेक बायदि बेमारफोरखौ बांहोदों

**गोदान दिल्ली 26 अक्टबर :** माहारियारि सुबुंमोन्थाइ आयग (एनएइचआरसि) आ हादतआव जाग्रा थावखौ खनसे-खनसे बाहायानयनि गोब्राब जेंनाफोरनि सायाव नायबिजिरनानै मिरुयारि बिफान आरो एफएसएसएआइनो नटिस फोसावो। आयगआ बे केसखौ राइज्योयारि सावस्त्रिजों लोब्बा गोनां सुबुं मोन्थाइखौ सिफायनाय होन्ना फोरमायनानै 2 सप्ताहनि गेजेरव राइज्योनाडै नायबिजिरनाय रिपर्ट आरो नायबिजिरनायखौ दिन्थिनो बिथोन होयो। भुपालआव थानाय समाजयारि आफाद, हारियारि जौगाखां आरो सुबुं जौगाखां आफादनि गायसनगिरिया आयगआव अजद दैखंना बुडेदि, फिसा हटेलफोर, थाबा आरो लामा



सेरनि जाग्रा आदार फानग्राफोरनि गेजेरजों बाहायनाय थावखौ खनले खनले गरम खालामनानै आदार बानायनायाव बाहायनानै फान्नाय जायो। बेजें केन्सार, बिखानि बेमार आरो लिभारजों सोमोन्दो गोनां गोब्राब बेमारफोरनि अलखदआ बाडो। एनएइचआरसिनि सोद्रोमा प्रियांक कानुनगनि दैदेन्नाय पीठआ सुबुं मोन्थाइ सैरैखाथि

26 (जुलाइ-सेप्टेम्बर) नि नैथि क्वार्टरआव रिलायेन्स इन्डास्ट्रीजनि नेट प्रफिटआ बोसोराव 9.6 जौखोन्दो बांनानै 18,165 कौटि रां जाबाय। बेयो गाहायै खुस्सा आरो टेलिकम फालागियाव गोखों दिन्थिफुंनाय आरो थाव-नि फ्र 1य-२1सायनारि (अडब्लिउसि) खोन्दोयाव जौगानायजों दैदेनजानाय।नाथाय दानि स्टक लेभेलाव गोबां खहानि जाहोनाव दानथामारि बिथायाव कम्पनीनि जथाइ नेट मुलाम्फाया 33 जौखोन्दो खमायदों, जायनि जाहोनाव बेयो 18,165 कौटि रांसिम जाहैदों।□

## लरेन्स बिश्रइनि जर'खा लखभिन्दरखौ आमेरिकानिफ्राय भारतआव लाबोनाय जाबाय

**गोदान दिल्ली, 26 अक्टबर:** क्राइमनि हेंथायै गिदिर नायबिजिरनानै गेंस्टार लखभिन्दर कु मारखौ आमेरिकानिफ्राय डिपर्ट खालामनानै दिल्लीआव लाबोनाय जाबाय, जाय लरेन्स बिश्रइ आफादजों सोमोन्दो दड। सिबिआइआ फोरमायनाय बायदिब्ला, शनिबारखालि दिल्ली एयारपर्ट सौहैनानै हारियाणा पुलिसआ बिखौ थाबैनो जिम्मायाव लायो।

बिबानगिरिफोरनि बायदिब्ला, लखभिन्दरनि सायाव हारियाणायाव माखासे क्राइमनि के स थिसन्दों, जेराव रां दाबिनाय, हुमखि होनाय, आइन बेरेखायै हाथियार लाखिनाय

## राहुलआ बांसिन समखौनो गुबुन हादतआवसो हगारहरो: मिलबेन

**गोदान दिल्ली, 26 अक्टबर:** आमेरिकानि देंखोगिरि आरो फावखुंग्रि मेरी मिलबेनआ बुडोदि, लकसभायाव बेरेखा दोलोनि दैदेनगिरि राहुल गान्धीआ भारतखौ दैदेन्नायनि थाखाय गाहाम सुबुं नडा। मोनसे जर'खा मोगा-मोगिनि समाव मिलबेनआ मदिनि दैदेन्नाय गोहोखौ बाखनायो। बेराफार्से, राहुल गान्धीखौ सोंखारिनानै बुडोदि, बियो भारतनि थाखाय गान्नि खौरं गोसारहोयो। बिथाड बुडोदि, राहुल गान्धीनि बिसायख'थि फिथायानो बे बाथ्राखौ दिन्थियो। बेयो गावनि बांसिन समखौनो गुबुन हादतयाव हगारो, अब्ला बियो



हादतखौ माबोरै दैदेन्नो हानो। राहुल गान्धीआ बिसायख'थि देरहानायनि मिजिंथिनाडा, जर'खायै औरैबायदि समाव जेब्ला बियो लान्थियै गावनि हादतखौ सोंखारियो। आमेरिका आरो भारतआव सुबुंफोरनि भर्टनि गोहोया

समान होन्ना बिथाड बुडो। सुबुंफोरा खेबथाम गाहाइ मन्थि मदिखौ सायख'दों, बेयो बे बाथ्रानि रोखा फोरमानदि, बियो भारतनि थाखाय बयनिखुइ साबसिन दैदेनगिरि होन्ना मिलबेनआ बुडो।□




आरो बुथारनो नाजानाया दंफायो। हारियाणा पुलिसनि आरज' गाबनायाव सिबिआइआ इन्टरपलनि गेजेरजों बिनि हेंथायै रेड कनार नटिस फोसावदोंमोन। बे नटिसखौ थांनाय 2024 नि 26 अक्टबरआव फोसावदोंमोन, जायनि उनाव जुथाय नाजानायफोरनि दायनिगिरिखौ 25 अक्टबरआव भारतआव लाबोफिन्नाय जायो। सिबिआइआ फोरमायनाय बायदिब्ला, गुबुन हादतआरि

बिफान (एमइए) आरो नख'र बिफाननि हेफाजाबजों बे गासै नायबिजिरनायखौ फिन्नाय होनाय जादों। सिबिआइआ भारतआव आलादा आलादा एजेन्सिफोरजों लोगोसे गोरोबलायनानै खामानि मावदों, जाहाथे लखभिन्दरखौ लाबोफिन्नो हायो। बिबानगिरिफोरनि बायदिब्ला, थांनाय माखासे बोसोरफोराव 130 निखुइ बांसिन दायनिगिरिफोरखौ बेबायदिनो

भारतआव लाबोनाय जादों। थांनाय दानावबो सिबिआइआ हारियाणा पुलिस, गुबुन हादतआरि आरो नख'रबिफनजों लोगोसे गोरोबलायनानै गाहाइ दायनिगिरि मेनपाल धिल्ला एबा सनु कुमारखौ कम्बडियानिफ्राय लाबोफिन्दोंमोन। धिल्लाआ बुथासनाय केस, बुथारनो नाजानाय, आइन बेरेखा हाथियार आरो खैसार सानाय केसफोराव जिउ जोबजासिमनि साजा मोनबाय।□

## करेल लैथोआव 6.0 गोख्रैथिनि बांग्रि मावदों

**गोदान दिल्ली, 26 अक्टबर:** रबिबार फुंनि समाव करेल लैथोआव 6.0 गोख्रैथिनि बांग्रि मावनायखौ मोन्दांथिदों। हादतआरि बांग्रि बिगियान मिरु (एनसिएस) नि बायदिब्ला, बे बांग्रिआ फुंनि 4.58 रिंगासोआव मावदों। बबेखानि बांग्रिनि मिरुआ 12.35 खोला अक्षफान आरो 166.46 सान्जा द्राघिमाफानआवमोन। जायनि गोथ्रौथिखौ 10 किल 'मिटार होन्ना मिबथिनो मोन्नाय जायो। बे जायगाया भानुआतुनि राजथावनि पर्टबिलानिफ्राय 643 कि:मि: साहा-सासोनाबाव दं। आथिखालाव जेबो रोखोमनि खहा जानाय खौरं मोन्नाय जायाखै। जायगानि खुंथाय आरो एजेन्सिफोरा थासारिनि सायाव नोजोर होदों। बिगियानगिरिफोरनि बायदिब्ला, बिखंनि खाथियाव फैग्रा बांग्रिआ बांसिन गिखूंथावसिन



जायो, मानोना बेनि मावनाया हा सिंसिम गोख्रैयै सौहैयो, जायजों बिल्डिंफोरा खहा जायो आरो सुबुंफोरनि खैफोदआवो बाडो। बबेखानि आमेरिकान फसंथाननि बायदिब्ला, सलमन आरो भानुआतु द्विपआ बै ओन्सोलआव दड; जेराव इन्ड'-अस्ट्रेलियाइ प्लेटआ प्राशान्ट प्लेटनि सिडव दोबैगासिनो दड। बे ओन्सोलखौ जोबोद बांग्रि मावबाय थाग्रा ओन्सोल होन्ना गनायनाय जायो।□

## आमेरिकानि रांखान्थियारि बेबस्थायाव भारतआरि गुबुन हादतआरिफोरनि बयनिखुइ देरसिन बिहोमा दड

**वाशिंटन, 26 अक्टबर:** आमेरिकायाव भारतआरि गुबुन हादतआरिफोरखौ हादतनि थाखाय बयनिखुइ बांसिन मुलाम्फा गोनां हान्जा होन्ना फोरमायनाय जादों। मेनहटन इनस्टिटुटनि गोदानै नायबिजिरनायाव बुंनाय जायोदि, भारतआरि गुबुन हादतआरिफोरा आमेरिकानि रांखान्थि बेबस्थाखौ गोखों खालामनायजों लोगोसे माहारियारि खरसायावबो गोबां दावख्लाथनाय लाबोयो। रिपर्टनि बायदिब्ला, 1 एभारेस्ट भारतआरि गुबुन हादतआरिया 30 बोसोराव आमेरिकानि माहारियारि



खरसाखौ 16 लाख डलारसिम दावख्लाथदों आरो गुबुन जायखि जाया गुबुन हादतआरि हान्जानि रुजुनायाव आमेरिकानि जिडिपिआव बयनिखुइ बांसिन

बिहोमा होयो। नायबिजिरनायाव बे बाथ्रायाबो नुजाथिदोंदि, एइस-1बि भिजा बाहायग्रा, जेराव भारतआरिफोरनि बाहागोया 70 जौखोन्दोनिखुइ

बांसिन, बिसोर 30 बोसोराव आमेरिकानि जिडिपिआव 5 लाख डलारसिम बांहोदों आरो खरसायाव 23 लाख डलारसिम दावख्लाथनाय लाबोदों।□



# माहाम देहानि राहा

## कल्ड स्टरेजनि फुल कभिखौ जानायजौ देहायाव माखासे जेना सोमजिनो हागौ

आशिखालाव बोथोरा सौफै याखै ब्लाबो बाजाराव फुल कभिखौ मोननो हमबाय आरो जौनि गेजेराव माखासे सुबुंफोरा बेखौ जावायबो। नाथाय नोंथाडा बेखौ जायोब्ला देहायाव मा गोहोम गोग्लैगोन बेखौ माब्लाबा सानदों ना? जौनि गेजेराव बांसिन सुबुंफोरा बेनि सोमोन्दै साना। थारैनो जौं बे गोबाव सानसिम आरामै थाग्रा मैगनि सोमोन्दै एसेबो साननो नाजाया, जेराव कल्ड स्टरेजनि मैगफोरनि सोमोन्दै खोनानो मोनबोदों। कल्ड स्ट्रेजआव मैगफोरखौ बाडाय बिदुंआव दोननाय जायो। जेरै फुल कभिआ थाबैनो गाजि जाग्रा मैगफोरनि गेजेराव मोनसे। बेनि स्ट्रेजनि बिदुंआ 0-4 डिग्रीनि गेजेराव जायो। बांसिन बिदुंआव बेनि स्ट्रेजजौं फुल कभिनि गुणआ गोखैयै



दावखलायो बेनिखायनो फुल कभिखौ फुनि समाव थाबैनो एबा बेलासियाव जेब्ला बिदुङ बाडाय जायो। कल्ड स्ट्रेजनि बिदुंआ जायखि जाया मैगनि वाटार कन्टेन्टखौ बाडाय खालामो। बेनि अनगायै बेयो पषक थत्यनि गुणखौ बाडाय एमनिया गेसखौबो बाहायो, जाय बेनि पिण्ड भेल्युखौ बाडाय खालामो। बेखौ जानायजौं जेबो मुलाम्फा मोना। कल्ड स्ट्रेजनि फुल कभिखौ जानायजौं गोबां ख'हा जायो। बेयो गिबियाव उदैखौ गेस खालामो। मानोना

बेयो मैगनि एन्जाइमखौ बाडाय खालामो, जायजौं बेनि डाइजेशनआव गोहोम गोग्लैयो। बेनि उनाव बेयो ब्लटि एबा अदै दुनायनि जाहोन जायो आरो गोबां सुबुंफोरा बेखौ जानायजौं एसिडिटी जानायखौ हमदाडो। बेनि अनगायै बे फुलकभियाव भियामिन सि आरो फाइबरबो थायो। बेनि जाहोनाव जुदि नोंथाडा बेखौ जायोब्लाबो जेबो मुलाम्फा मोना। बेनि अनगायै कल्ड स्ट्रेजआव बाहायग्रा एमनिया गेसआबो देहानि थाखाय मुलाम्फा गोनां नडा।

## हलिउड मुंदांखा सावथुन 'ए हाउस अफ डायनामाइट' सावथुना अटिटिआव रिलिज जाबाय

अटिटिआव गोदान गोदान सावथुन फैदों, जायखौ लानानै नायगिरिफोरनि गेजेराव गोबां सावरायलायनाय जागासिनो दं। क्रिटिक्सआबो सावथुनखौ जोबोद बाख्नायगासिनो दं। बबेखानि बे सावथुननि मुडानो जादों आमेरिका थ्रिलर ड्रामा ए हाउस अफ डायनामाइट। सावथुना 24 अक्टबरखालि रिलिज जादों आरो बे सावथुना नुजाथिनाय लोगो लोगोनो अटिटिनि टप ट्रेन्ड फारिलाइआव बाहागो लानो हादों। आमेरिकन सावथुन ए हाउस अफ डायनामाइटआ थांनाय सानखालि अटिटिआव रिलिज जादों। बबेखानि बेनि सिगानिफ्रायनो बे सावथुनखौ लानानै सुबुंफोरा जोबोद उसु खुथु जानानै दंमोन। 82 थि भैनिस् इन्टारनेशनेल फिल्म फेस्टिभेलआव बे सावथुननि



प्रिमियरआ जादोंमोन आरो इउके-इउएसनि माखासे सिनेमा हलफोराव रिलिजबो जादोंमोन। अदेबानि बियो दा अटिटि प्लेटफर्मआवबो नुजाथिबाय। सावथुननि सल' आरो सिन्सफोरा जोबोद मोजां, जायखौ नायोब्ला नोंथांमोनहा 1 सेकेन्डनि थाखायबो गाव गावनि नोजोरखौ बोखारनो

हानाय नडा। मिबथि होनाय जायोदि, केथरिन बिगेलनि दिहुन्नाय 1 घन्टा 52 मिनिटनि सावथुनाव इडरिस एल्बा रेबेका फार्युसन, गेब्रियल बास', जेरेज हेरिस ट्रेसि लेट्स आरो ग्रेटा लि बायदि महरगिरिफोरा गाहाइ फावआव दं। ए हाउस अफ डायनामाइट सावथुना नायगिरिफोरनिफ्राय जोबोद

मोजां रिस्पन्स मोनगासिनो दं। बे सावथुनखौ आइएमडिबिआबो 7.1 रेटिं होदों। जुदि नोंथांमोनहा दासिमबो बे सावथुनखौ नायाखैब्ला बेखौ अटिटि प्लेटफर्म नेटफ्लिक्सआव नायनो हागोन। सानसे आवनो बे सावथुना टप 10 ट्रेन्ड लिस्टआव जायगा आवग्रिनो हादों।

## हलिउडनि मुंदांखा सिरिज स्ट्रेन्जार थिंग्स सिरिजनि अटिटि रिलिज अक्टखौ फोसावबाय



साइन्स-फिक्सन आरो हरर ड्रामा सिरिज स्ट्रेन्जार थिंग्सनि 5थि आरो जोबथा सिजनआ थाबैनो नायगिरिफोरनि गेजेराव नुजासिगोन। अन्सायगिरिफोरा बे सिजनखौ लानानै जोबोद एक्साइटेड जानानै दड, मानोना बे खेबाव मेकार्सफोरा रिलिजखौ लानानै मोनसे जर'खा सारप्राइज होदों। सिरिजनि फाइनाल एपिसडखौ अटिटि 'प्लेटफर्मआवल' नडा, बेखौ सिनेमाहलफोरावबो दिन्थिनाय जागोन। बबेखानि

स्ट्रेन्जार थिंग्सआ अटिटि बेस्ट थ्रिलर सिरिजफोरनि गेजेराव मोनसे। बे सिरिजनि थांनाय मोनब्रँ सिजनखौ जोबोद अन्सायनाय जादोंमोन। अदेबानि आथिखालाव 3 बोसोरनि उनाव सिरिजनि जोबथा सिजनआ नुजाथिगोन। बेनि रिलिज अक्टखौबो फोसावनाय जाबाय आरो बेनि थिएटर रिलिजनि अक्टआबो सोराडाव फैबाय। स्ट्रेन्जार थिंग्स 5 खौ नेटफ्लिक्सआव मोन्थाम बाहागोआव रिलिज खालामनाय जागोन। गिबि

भल्युमखौ 26 नभेम्बर 2025 निफ्राय स्ट्रिम खालामनाय जागोन, जेराव मोनब्रँ एपिसड थागोन। नैथि भल्युमआव मोन्थाम एपिसड थागोन, जायखौ 25 डिसेम्बरखालि रिलिज खालामनाय जागोन। जोबथा आरो थ्रिलिं एपिसडआ 31 डिसेम्बरखालि फैगोन। मख'नो गोनांदि, डफर ब्रादार्सनि बे आइकनिक सिरिजनि क्लाइमेक्सआ 2 घन्टासिम जागोन, जायनि टाइटेलाआ 'दा राइटसाइट आप'। मेकार्सफोरा बे जर'खा एपिसडखौ आमेरिका

# शाहरुख खाननि माखासे गोजाम मुंदांखा सावथुनफोरा रि-रिलिज जाफिनसिगोन

बलिउड सुपारस्टार शाहरुख खानआ 2 नभेम्बरखालि गावनि 60 थि जोनोम सान फालिनो थाखाय थियारि जादों। गावनि जोनोम साननि सिगांनो बिथाडा गावनि अन्साइगिरिफोरनि थाखाय मोनसे जर'खा अन्थोब होदों। शाहरुख खानआ इनस्टाग्रामआव मोनसे पस्ट शेयार खालामनानै मिबथि होदोंदि, बिथांनि माखासे गोजाम मुंदांखा सावथुनफोर जेराव मै हु ना, अम शान्ति अम, कभी हा कभी ना सावथुनखौ सिनेमा हलफोराव रि-रिलिज खालाम फिनगोन। बिथाडा जंखायनाय स्टाइलआव मिबथि होदोंदि, बे बोसोराव सावथुनफोराव शाहरुख खानआ बारा सोलायाखै। बिथाडा मिबथि होदोंदि, खालि खानायाल' सोलायदों आरो बिथाडा हेन्डसामसिन जादों।



शुक्रबारखालि शाहरुख खानआ इनस्टाग्रामआव मोनसे भिडिअ शेयार खालामदों जेराव सिनेमा हलफोराव रि-रिलिज जानो

गोनां मोन 7 सावथुनफोरखौ दिन्थिदों। बे मोन 7 सावथुनफोराव 2013 नि एक्सन-कमेडि चेंन्नाइ

एक्सप्रेस, देभदास, दिल से सावथुनाबो दंफायो। बेनि अनगायै शाहरुख खाननि सावथुन कभी हा कभी ना

## सुपारस्टार प्रभासनि स्पिरिट सावथुनआव बलिउडनि सासे फावखुंगुरआ बाहागो लादों

सन्दिप रेड्डी वांगाआ गावनि फैनो गोनां स्पिरिट सावथुननि भिडिअखौ अफिसिएल फोसावबाय। बे सावथुनाव प्रभासआ गाहाइ फावआव दड। अदेबानि दिपिका पादुकननि एक्जिटनि उनाव सावथुनाव सासे गोदान फावखुंगुरनि एन्ट्रि जादों, जाय सावतुनाव खलनायकनि फावआव नुजाथिगोन। मिबथि होनाय जायोदि, भिभेक अबेरयआ सावथुनाव अफिसिएल एन्ट्रि लाबाय आरो गावनो बे खौरांखौ बिथाडा गावनो रोखा खालामदों।



भिभेकआ समाजआरि बिजोडव गावनि एक्साइटेड जानायखौ शेयार खालामनानै बुंदोंदि, बिथाडा बे सावथुनि बाहागो जानो मोनानै जोबोद गोजोन्नाय आरो उसु-खुथु मोन्दों। प्रभासनि जोनोम साननि

खाबुआव मेकार्सफोरा बेनि मोनसे अडिअखौ फोसावदों, जायखौ भिभेकआबो गावनि एक्स एकाउन्टआव शेयार खालामदों। भिडिअआव कमेन्ट होनानै बिथाडा लिदों, 'मोनसे गाजि हुदायानो थोजासे।' रेबेल

## रामायण सावथुननि थाखाय मुंदांखा फावखुंगुर रणबिर कापुरआ गावखौनो बाउसोमदों

रामायण सावथुनआ भारतीय सावथुननि मस्ट एन्टिस्पेडेड सावथुन, जेराव नितेश तिवारिआ माखासे गेदेर महरगिरिफोरखौ गाहाइ फावफोरजों लोगोसे गिदिर पर्दायाव दिन्थिगोन। भगवान रामनि फावखौ रणबिर कापुरआ दिन्थिगोन, अदेबानि राबगनि फावखौ केजिएफ स्टार यशआ दिन्थिगोन। फारसेथिं नितेश तिवारि दिहुन्नाय रामायणआव रंभि दुबेआबो गाहाइ फावआव दड। बिथाडा लक्ष्मणनि बिफाव होगोन। बावैसो सिगां फावखुंगुरआ गावनि फैनो गोनां सावथुननि सायाव बाथ्रा सावरायदों। लोगोसे नो रणबिरखौ बाख्नायदोंबो।



बबेखानि रणबिर इलाहाबादियानि ब्रडकास्टआव रंभि दुबेआ फोरमायदोंदि, रामायणआव लक्ष्मणनि फावआ बिथांखौ जोबोद सोलाय होदों। बिथाडा बुडो, बे फावआ आंखौ जोबोद सोलाय होबाय। आं बे फावखौ न्याय होनो थाखायनो गावखौनो

सोलाय होनांदों, मोनोना नायगिरिफोरा गोरलैयैनो सिनायथियो। आं आंनि रुटिनखौनो आबुडै सोलाय होबाय। बबेखानि जों गासिबो बिब्दिनो खालामदों, जेराव रणबिर कापुरआबो दंफायो। बिथाडा बे सावथुननि थाखाय गोबां बाउसोमदों। जों बयबो

बे फावनि थाखाय सैथोयै थानो थाखाय जौद नाजादों। जौनि आखु, रिएक्सन आरो बुंनाय स्टाइलआबो सोलायदों।' रंभि दुबेआ मिबथि होदोंदि, राम जानाय रणबिर आरो राबग जानाय यशआ मोखथां जिउआव जोबोद आलादा।

## अक्टबर दानआव एन्टारटेनमेन्ट मुलुगनि सा 7 फावखुंगुरफोरा जिउ गोमादों

अक्टबर दानआ जोबनो माखासे सानल' दंसै। नाथाय बे 26 सानआ एन्टरटेनमेन्ट मुलुगाव ग्रह नांनाय बायदि फोरमन जादों, मानोना सा 7 सेलेब्रिटिफोरा अक्टबर दानआव बे बुहुमखौ नागारलदों। बिसोरनि गेजेख सतिश शाहनिफ्राय लानानै आसराणि बायदि मुंदांखा स्टारफोरनि मुडाबो दंफायो। बबेखानि बे गिबियाव फावखुंगुर सतिश शाहनि मुडा दं, जाय 25 अक्टबरखालि किडनी फेलियार जानानै जिउ गोमादोंमोन। फारसेथिं दिनै बिथांनि जोबथा बिदायनि नेम-खान्थिया सोलिगासिनो दं। अक्टबर दाननि जागायनाय एबा 8 अक्टबरखालि पान्जाबि देंखोगिरि आरो फावखुंगुर राजभिर जभन्दाया जिउ



गोमादोंमोन। 35 बोसोर बैसोयाव बुहुमनिफ्राय बिदाय लालांनाय राजभिरआ एक्सिडेन्ट जादोंमोन, जायनि उनाव बिथाडा माखासे सानसिम आइसिइउआव थानांदोंमोन। अदेबानि 21 साननि उनाव बिथाडा जिउ गोमायो। राजभरनि जिउ गोमानायनि सानसे उनाव 9 अक्टबरखालि

फावखुंगुर आरो बडिबिल्डार भरिन्दर सिंहनि जिउ गोमानाय खौरांआ सोरांआव फैदोंमोन, जाय अन्साइगिरिफोरखौ गोमोहाब होदोंमोन। रिपर्टनि बायदिब्ला, हार्ट एटेक जानायनि जाहोनाव भरिन्दर सिंहआ जिउ गोमादोंमोन। बेनि उनाव 15 अक्टबरखालि महाभारतआव कर्णनि बिफाव

होग्रा फावखुंगुर पंकज थिरआ जिउ गोमादों, जाय गोबाव समनिफ्रायनो केन्सार बेरामजों भुगिनांना दंमोन। अदेबानि दिवालीनि सान एबा 20 अक्टबरखालि 'शोले' सावथुनाव कर्नेलनि बिफाव होनाय मुंदांखा फावखुंगुर आसराणिआ जिउ गोमादोंमोन। 22 अक्टबरखालि फावखुंगुर

आरो देंखोगिरि व्रध्प टन्डनआ जिउ गोमादोंमोन। बिथांखौ हार्ट एकेट जानायनि जाहोनाव जिउ गोमादों होन्ना मिबथिनो मोन्दों। बावैसो सिगां एड गुरु पियुष पान्डेनि निभनआ 24 अक्टबरखालि जिउ गोमादों, जायनि उनाव थांनाय सानाव बिथांनि जोबथा बिदाय जादोंमोन।

